



Niam Txiv thiab Me Nyuam Cov Cai txog Kev Kawm Tshwj Xeeb

Daim Ntawv Ceeb Toom Txheej Txheem Kev Tiv Thaiv

Ib qho Kev Piav Qhia ntawm Cov Txheej Txheem Kev Tiv Thaiv
Muaj Rau Siv Raws Li Cov Cai ntawm Txoj Cai Kev Kawm
Ntawv Rau Cov Neeg Muaj Kev Tsis Taus (IDEA)
thiab
Colorado Cov Cai Tswj rau Kev Tswjhwntawm
Txoj Cai Cov Menyuum Tshwj Xeeb Txoj Kev Kawm Ntawv (ECEA)

Txoj cai lij choj hais txog Kev Kawm Ntawv rau Tus Neeg Uaj Kev Xiam Oob Qhab (IDEA, Individuals with Disabilities Education Act), Tsoom Fwv Tebchaws txoj cai lij choj hais txog kev qhia ntawv ntawm cov menyuum kawm ntawv uas muaj kev xiam oob khab, tseev kom cov tsev kawm ntawv yuav tsum muab tsab ntawv ceeb toom uas muaj tag nrho cov lus piav qhia ntawm cov txheej txheem kev tiv thaiv muaj raws li IDEA and U.S. Department of Education cov cai rau cov niam txiv ntawm tus menyuum uas muaj kev xiam oob khab. Yuav tsum muab ib daim luam ntawm daim ntawv ceeb toom no rau cov niam txiv ib zaug hauv ib xyoo kawm ntawv, tshwj tsis yog tias yuav tsum tau muab ib daim ntawv luam rau niam txiv: (1) thaum xa mus thawj zaug los yog niam txiv thov kom ntsuam xyuas; (2) thaum txais daim ntawv tsis txaus siab hauv Lub Xeev thiab thaum tau txais qhov txheej txheem kev tsis txaus siab thawj zaug hauv lub xyoo kawm ntawv; (3) thaum muaj kev txiav txim siab los ua qhov kev rau txim uas ua rau muaj kev hloov chaw; thiab (4) raws li niam txiv thov. [34 CFR §300.504(a)]



Colorado Lub Tsev Saib Xyuas
Kev Kawm Ntawv

Daim Ntawv Ceeb Toom Txheej Txheem Kev Tiv Thaiv
Hauv Cov Cai ntawm IDEA thiab ECEA
Tau kho dua tshiab 07/01/11

Lub Rooj Teev Cov Txheej Lus

Cov Lus Qhia Dav Dav	1
Daim Ntawv Ceebtoom Ua Ntej	1
Hom Lus Xub Thawj.....	2
Xa Ntawv Hauv Hluav Taws Xob	2
Niam Txiv Kev Tso Cai - Lus Txhais	2
Niam Txiv Kev Tso Cai.....	3
Kev Ntsuam Xyuas Kev Kawm Ywj pheej.....	5
Kev Ceev Tseg Tsis Pub Leej Twg Paub ntawm Cov Ntaub Ntawv	6
Cov Ntsiab Lus Txhais	6
Cov Ntaub Ntawv Qhia Txog Tus Kheej	7
Daim Ntawv Ceeb Toom rau Cov Niam Txiv	7
Cov Cai Kev Nkag Tau Rau	7
Cov Ntaub Ntawv Teev Kev Nkag Mus Siv	8
Cov Ntaub Ntawv Teev Tseg Rau Cov Me Nyuam Ob Leeg Rov Sauv	8
Daim Ntawv Teev Cov Hom Ntawv thiab Cov Chaw ntawm Cov Ntaub Ntawv	8
Cov Nqi	8
Kev Hloov Kho Ntawm Cov Ntaub Ntawv Raws Li Niam Txiv Thov	8
Lub Cij Fim rau lub Rooj Sib Hais	9
Cov Txheej Txheem Kev Hais.....	9
Qhov Txiaj Ntsig Tau los ntawm Kev Sib Hais Plaub.....	9
Kev Tso Cai Rau Kev Tshaj Tawm Cov Ntaub Ntawv Qhia Txog Tus Kheej	9
Kev Tiv Thaiv	10
Kev Rhuav Tshem Ntawm Cov Ntaub Ntawv	10
Cov Txheej Txheem Kev Tsis Txaus Siab Hauv Xeev	10
Qhov sib txawv ntawm Cov Txheej Txheem Lub Rooj Sib Hais Plaub thiab	
Kev Tsis Txaus Siab Hauv Xeev.....	10
Kev Lees Yuav ntawm Cov Txheej Txheem Kev Ua Ntawv Tsis Txaus Siab Hauv Xeev	11
Cov Txheej Txheem Kev Ua Ntawv Tsis Txaus Siab Hauv Xeev Tsawg Kawg Nkaus	11
Kev Sau Ib Daim Ntawv Tsis Txaus Siab.....	12
Cov Txheej Txheem Kev Ua Ntawv Tsis Txaus Siab	13
Kev Ua Ib Daim Ntawv Txheej Txheem Kev Tsis Txaus Siab	13
Txheej Txheem Kev Tsis Txaus Siab.....	13
Tus Me Nyuam Qhov Kev Hloov Chaw Thaum Tab Tom Ua Cov Txheej Txheem	
Kev Tsis Txaus Siab thiab Kev Hais Plaub Yog Tseem Tab Tom Tos Hais	15
Cov Foos Ntawv Qauv	15
Kev Kho Kom Haum Xeeb	16
Cov Txheej Txheem Kev Hais Daws.....	17
Lub Rooj Sib Hais Plaub Txheej Txheem Kev Tsis Txaus Siab	19
Cov Txheej Txheem kev Hais Plaub Kev Ncaj Ncees	19
Cov Cai Kev Hais Plaub.....	20
Cov Kev Txiaj Txim Siab Hauv Lub Rooj Sib Hais.....	20
Qhov Kev Txiaj Txim Kawg Nkaus.....	21
Cov Sijhawm thiab Kev Yooj Yim ntawm Kev Hais Plaub.....	21
Cov Kev Txiaj Txim Cai Pej Xeeb, Nrog rau Lub Sij Hawm Ua Ntawv Rau	
Cov Kev Txiaj Txim Ntawd	22
Cov Nqi Kws Lij Choj.....	22

Cov Txheej Txheem Thaum Rau Txim Cov Menyuum Muaj Kev Xiam Oob Qhab	24
Tus Neeg Muaj Cai ntawm Tsev Kawm Ntawv	24
Kev Hloov Ntawm Kev Tso Kawm Vim kev Tshem Tawm ntawm Kev Rau Txim.....	26
Kev Txiaiv Txim Ntawm Qhov Chaw Kawm.....	27
Kev Thov Rov Txiaiv Txim Dua (Txheej Txheem Lub Rooj Sib Hais Sai)	27
Kev Hloov Chaw Kawm Thaum Lub Sij Hawm Cov Kev Thov Rov Txiaiv Txim Dua	28
Cov Kev Tiv Thaiv rau Cov Me Nyuam Yaus Uas Tsis Tau Tsim Nyog rau Kev Kawm Ntawv	
Tshwj Xeeb thiab Cov Kev Pabcuum Ntsig Txog.....	28
Kev xa mus rau thiab Kev txiaiv txim los ntawm Lub Chaw Haujlwm Saib Xyuas	
Cai Lij Choj thiab Cov Thawj Txiaiv Txim Plaub Ntug	29

Tej yam yuav tsum muaj rau Kev Hloov Chaw Kawm Tib Leeg los ntawm Cov Niam Txiv	
ntawm Cov Menyuum Yaus hauv Tsev Kawm Ntawv Ntiav Uas Siv Tsoom Fwv Li Nyiaj.....	30
Daim Ntawv Qhia Dav Dav	30

Niam Txiv Cov Chaw Muab Kev Pab

COV LUS QHIA DAV DAV

DAIM NTAWV CEEB TOOM UA NTEJ

34 CFR §300.503

Ntawv ceeb toom

Chav Ua Haujlwm Tuav Tswj¹ lossis Lub Xeev Txoj Hauj Lwm Pab Cuam² yuav tsum sau ntawv tuaj qhia koj (muab qee cov ntaub ntawv sau tshwj xeeb rau koj), thaum twg nws:

1. Kev pom zoo kom pib los yog hloov qhov kev txheeb xyuas, kev tshuaj ntsuam, lossis kev hloov chaw kawm ntawm koj tus menyuam, lossis kev qhia ntawv dawb uas tsim nyob los ntawm tsoom fww (FAPE) rau koj tus menyuam; **los yog**
2. Kev tsis kam pib los yog hloov qhov kev txheeb xyuas, kev tshuaj ntsuam, lossis kev hloov chaw kawm ntawm koj tus menyuam, lossis kev qhia ntawv dawb uas tsim nyob los ntawm tsoom fww FAPE rau koj tus menyuam.

Txheej lus ntawm daim ntawv ceeb toom

Daim ntawv ceeb toom yuav tsum:

1. Piav qhia qhov kev txiav txim uas lub tsev ua hauj lwm tuav tswj³ pom zoo los yog tsis kam lees;
2. Piav qhia qhov laj thawj uas lub tsev ua hauj lwm tuav tswj pom zoo los yog tsis kam lees ua qhov kev txiav txim;
3. Piav txhua qhov kev ntsuam xyuas, kev txheeb xyuas, cov ntaub ntawv teev tseg, los yog daim ntawv tshaj qhia uas lub tsev ua hauj lwm tuav tswj siv los txiav txim siab rau kev pom zoo los yog tsis kam ua qhov kev txiav txim;
4. Suav nrog ib nqe lus hais uas koj muaj kev tiv thaiv nyob rau hauv cov txheej txheem kev tiv thaiv muab nyob hauv Tshooj B ntawm Txoj Cai Kev Kawm Ntawv Rau Tus Neeg Muaj Kev Xiam Oob Qhab (IDEA);
5. Qhia koj tias seb koj tuaj yeem tau txais cov lus piav qhia txog txheej txheem kev tiv thaiv li cas yog tias qhov kev txiav txim siab uas lub tsev ua hauj lwm tuav tswj pom zoo lossis tsis pom zoo tsis yog thawj qhov kev xa mus rau kev ntsuam xyuas;
6. Muaj cov kev chaw muab kev pabcuam rau koj los hu rau thov kev pabcuam kom to taub Tshooj B ntawm IDEA;
7. Piav qhia txog lwm yam kev xaiv uas koj tus me nyuam qhov kev kawm ntawv ib tug zus (IEP) Pawg Neeg tau txais thiab cov laj thawj seb vim li cas cov kev xaiv no ho raug tsis kam; **thiab**
8. Muab lus piav qhia ntawm lwm cov laj thawj tias vim li cas lub tsev ua hauj lwm tuav tswj tau pom zoo los yog tsis kam lees qhov kev txiav txim.

Daim ntawv ceeb toom sau hauv hom lus uas to taub tau

Daim ntawv ceeb toom yuav tsum:

1. Sau ua hom lus uas pej xeem sawv daws tuaj yeem to taub tau; **thiab**
2. Muab kev sib txuas lus ua koj hom lus lossis lwm hom kev sib txuas lus uas koj siv, tshwj tsis yog nws tsis tuaj yeem ua tau li ntawd xwb.

¹ Ib lub chaw ua haujlwm tuav tswj txhais tau tias yog koog tsev kawm ntawv, pawg thawj coj saib kev sib koom tes, los yog lub tsev kawm ntawv ntiav los ntawm lub xeev, uas muab cov kev pabcuam kev kawm rau cov menyuam yaus tshwj xeeb.

² Lub Xeev Txoj Haujlwm Pabcuam yog txhais tau tias lub tsev kawm ntawv qhov kev kawm uas tau kev pom zoo raug saib xyuas los ntawm Lub Tuam Tsev thiab los ntawm Colorado Lub Tsev Kawm Ntawv rau Cov Neeg Lag Ntseg thiab Dig Muag, Lub Tsev Ua Hauj Lwm Daws Kho (Department of Corrections), lossis Lub Tsev Ua Hauj Lwm Pab Tib Neeg, suav nrog tab sis tsis tas rau Chav Tsim Kho Tub Ntxhais Hluas thiab Cov Chaw Pab Cuam Kev Noj Qab Haus Huv ntawm Lub Siab Ntsws hauv Fort Logan thiab Pueblo.

³ Rau cov hom phiaj ntawm daim ntawv no, thaum twg lo lus hais tias "Lub Tsev Haujlwm Tuav Tswj" raug siv nws kuj txhais tau hais tias yog Lub Xeev Cov Haujlwm Pabcuam.

Yog tias koj hom lus lossis lwm hom kev sib txuas lus tsis yog ib hom lus uas sau ua ntaub ntawv, lub tsev ua hauj lwm tuav tswj yuav tsum xyuas kom meej tias:

1. Daim ntawv ceeb toom no raug txhais rau koj hauv kev hais ua lus ua lwm yam hauv koj hom lus lossis lwm hom kev sib txuas lus;
2. Koj to taub qhov ntsiab lus ntawm tsab ntawv ceeb toom; **thiab**
3. Muaj ntaub ntawv pov thawj tias ua tau raws li nqe 1 thiab 2 lawm.

HOM LUS XUB THAWJ

34 CFR §300.29

Hom lus xub thawj, thaum siv nrog tus neeg uas tsis paub lus Askiv zoo, txhais tau li hauv qab no:

1. Hom lus uas feem ntau raug siv los ntawm tus neeg ntawd, lossis, nyob rau ntawm ib tug menyuam uas, hom lus no feem ntau raug siv los ntawm tus menyuam ntawd leej niam thiab txiv;
2. Hauv txhua txoj kev sib tiv tau ncaj qha nrog tus menyuam (nrog rau kev ntsuam xyuas ntawm tus menyuam), hom lus uas feem ntau raug siv los ntawm tus menyuam nyob rau hauv tsev lossis hauv chaw kawm.

Rau ib tug neeg lag ntseg los yog dig muag, los yog rau ib tus neeg uas tsis muaj hom lus sau ua ntaub ntawv, hom kev sib txuas lus yog yam uas tus neeg siv feem ntau (xws li cov lus piav tes, Cov ntawv Dig Muag, lossis kev sib txuas lus ntawm ncauj).

KEV XA NTAWV HAUV TSHUAB HLUAV TAWS XOB

34 CFR §300.505

Yog tias lub tsev ua hauj lwm tuav tswj muab cov kev xaiv rau cov niam txiv kom tau txais cov ntaub ntawv los ntawm e-mail, koj tuaj yeem xaiv tau tau txais cov hauv qab no los ntawm kev xa e-mail:

1. Daim ntawv ceebtoom ua ntej;
2. Daim ntawv ceeb toom kev tiv thaiv; **thiab**
3. Cov ntawv ceeb toom muaj feem xyuam mus rau txheej txheem kev tsis txaus siab.

NIAM TXIV KEV TSO CAI - LUS TXHAIS

34 CFR §300.9

Tso cai txhais tias:

1. Koj tau raug ceeb toom rau hauv koj hom lus lossis lwm hom kev sib txuas lus (xws li lus piav tes, Cov ntawv Dig Muag, lossis kev sib txuas lus ntawm ncauj) ntawm tag nrho cov ntaub ntawv hais txog qhov kev txiav txim uas koj tau tso cai;
2. Koj to taub thiab pom zoo rau hauv kev sau ntawv mus rau qhov kev txiav txim, thiab qhov kev tso cai piav txog qhov kev txiav txim ntawd thiab teev cov ntaub ntawv (yog tias muaj) uas yuav raug tso tawm thiab rau leej twg;
3. Koj to taub tias koj qhov kev tso cai yog kev siab yeem, koj tuaj yeem thim (tawm) koj qhov kev tso cai tau txhua lub sijhawm, tabsis koj qhov kev tshem tawm ntawm qhov kev tso cai tsis thim (tsis thim) ib qho kev ua uas tau tshwm sim tom qab koj tau tso cai thiab ua ntej koj rho tawm;
4. Yog tias koj rho tawm (tshem tawm) koj qhov kev tso cai nyob rau hauv kev sau ua ntaub ntawv rau koj tus menyuam qhov kev tau txais cov kev pabcuam kev kawm tshwjxeeb *tom qab* koj tus me nyuam tau pib txais kev kawm tshwj xeeb thiab cov kev pab cuam muaj feem, qhov chaw khiav dej num tsis tas yuav

hloov kho (hloov) koj tus menyuam cov ntaub ntawv kev kawm kom tshem tawm cov lus qhia uas koj tus menyuam tau txais kev kawm tshwj xeeb thiab cov kev pab cuam muaj feem.

NIAM TXIV KEV TSO CAI

34 CFR §300.300

Kev tso cai rau thawj zaug kev ntsuam xyuas

Lub tsev ua hauj lwm tuav tswj ua tsis tau thawj qhov kev luj xyuas ntawm koj tus menyuam los txiav txim seb koj tus me nyuam puas tsim nyog raws li Tshooj B ntawm IDEA kom tau txais kev kawm tshwj xeeb thiab cov kev pab cuam ntsig txog yam tsis tau muab koj daim ntawv ceeb toom ua ntej txog ntawm qhov kev txiav txim uas tau pom zoo thiab yam uas tsis tau txais koj txoj kev tso cai raws li tau piav tseg hauv nqe, **Daim Ntawv Ceeb Toom Ua Ntej** thiab **Niam Txiv Kev Tso Cai**.

Lub tsev ua hauj lwm tuav tswj yuav tsum siv zog ua kom tau txais koj cov lus qhia kev tso cai rau kev ntsuam xyuas thawj zaug los txiav txim siab seb puas yog koj tus me nyuam yog tus me nyuam muaj qhov tsis taus.

Koj qhov kev tso cai rau thawj zaug kev ntsuam xyuas tsis tau txhais hais tias koj tau txais koj tso cai rau lub tsev ua hauj lwm tuav tswj los pib muab kev qhia tshwj xeeb thiab cov kev pabcuam ntsig txog rau koj tus menyuam.

Lub tsev ua hauj lwm tuav tswj yuav tsis siv koj txoj kev tsis kam tso cai rau ib qho kev pabcuam lossis kev ua ub no uas cuam tshuam txog qhov kev tshuaj xyuas thawj zaug ua ib qho hauv paus rau kev tsis kam mua rau koj lossis koj tus menyuam tej kev pabcuam, txiaj ntsig kev pab, lossis kev ua haujlwm ub no tshwj tsis yog Tshooj B cov cai samfwm kom ua li ntawd.

Yog tias koj tus menyuam tau rau npe hauv tsev kawm ntawv toom fwm lossis koj tab tom nrhiav rau koj tus me nyuam npe nkag hauv tsev kawm ntawv toom fwm thiab koj tsis kam muab kev tso cai los yog tsis tau ua raws li kev thov kom muab kev tso cai rau qhov kev ntsuam xyuas thawj zaug, lub tsev ua hauj lwm tuav tswj muaj peev xwm, tab sis tsis tas yuav tsum ua, nrhiav kev ntsuam xyuas thawj zaug ntawm koj tus menyuam los ntawm kev siv IDEA qhov kev kho kom haum xeeb lossis txheej txheem kev tsis txaus siab, lub rooj sib tham daws teeb meem, thiab cov txheej txheem sib hais plaub ncaj ncees (tshwj tsis yog samfwm kom ua los yog txwv tsis pub ua los ntawm Xeev txoj cai lij choj). Lub tsev ua hauj lwm tuav tswj tsis ua txhaum nws cov luag num los nrhiav, txheeb xyuas, thiab ntsuas koj tus menyuam yog tias nws tsis ua raws li qhov kev ntsuam xyuas ntawm koj tus me nyuam hauv cov xwm txheej no, tshwj tsis yog Lub Xeev txoj cai lij choj hais kom nws ua qhov kev ntsuam xyuas.

Cov cai tshwj xeeb rau kev ntsuam xyuas thawj zaug ntawm Lub Xeev

Yog tias tus me nyuam yog ib tug me nyuam coj los tu ntawm Lub Xeev thiab tsis nyob nrog nws niam nws txiv —

Lub tsev ua hauj lwm tuav tswj tsis tas tau kev tso cai los ntawm niam txiv rau thawj qhov kev luj xyuas los txiav txim seb tus me nyuam puas yog tus me nyuam muaj kev tsis taus yog tias:

1. Txawm tias tau siv zog ua li ntawd, lub tsev ua hauj lwm tuav tswj tsis muaj peev xwm nrhiav tau tus menyuam leej niam txiv;
2. Cov cai ntawm niam txiv tau raug txiav tawm raws li Lub Xeev txoj cai; **los yog**
3. Ib tus kws txiav txim plaub tau txais txoj cai los txiav txim txog kev kawm ntawv thiab kom pom zoo rau thawj qhov kev luj xyuas rau ib tus neeg uas tsis yog niam txiv.

Pawg Neeg Hauv Kev Saib Xyuas los ntawm Lub Xeev, raws li siv hauv IDEA, txhais tau tias tus menyuam uas, raws li tau txiav txim los ntawm Lub Xeev uas tus menyuam nyob, yog:

1. Tus menyuam ntsuag coj los tu;
2. Raug xam tias yog me nyuam coj los tu ntawm Lub Xeev raws li Lub Xeev txoj cai lij choj; **lossis**
3. Nyob rau hauv kev saib xyuas ntawm lub koom haum pej xeeb saib xyuas me nyuam yaus txoj kev noj qab nyob zoo.

Pawg Neeg Hauv Kev Saib Xyuas los ntawm Lub Xeev tsis suav tus me nyuam ntsuag uas muaj ib tug niam qhuav txiv qhuav.

Niam txiv kev tso cai rau cov kev pab cuam

Lub tsev ua hauj lwm tuav tswj yuav tsum tau txais koj daim ntawv tso cai qhia paub ua ntej muab kev kawm tshwj xeeb thiab cov kev pab cuam ntsig txog rau koj tus menyuam nyob rau hauv thawj zaug.

Lub tsev ua hauj lwm tuav tswj yuav tsum mob siab rau ua kom tau txais koj daim ntawv tso cai qhia paub ua ntej muab kev kawm tshwj xeeb thiab cov kev pab cuam ntsig txog rau koj tus menyuam nyob rau hauv thawj zaug.

Yog tias koj tsis teb rau qhov kev thov los muab kev tso cai rau koj tus menyuam kom tau txais kev kawm tshwj xeeb thiab cov kev pab cuam ntsig txog nyob rau hauv *thawj zaug*, lossis yog tias koj tsis kam muab kev tso cai li ntawd lossis sau ntawv tshem tawm (tshem tawm) nyob rau yav tom qab no, lub tsev ua hauj lwm tuav tswj yuav tsis siv cov txheej txheem kev tiv thaiv (xws li, kev sib kho, txheej txheem kev tsis txaus siab, rooj sib tham daws teeb meem, lossis lub rooj sib hais plaub kev ncaj ncees) kom thiaj li tau txais kev pom zoo los yog kev txiav txim tias kev kawm tshwj xeeb thiab cov kev pab cuam muaj feem xyuam (raug qia los ntawm Pab Neeg IEP) tej zaum yuav muab rau koj tus menyuam yam tsis tas yuav tau koj li kev tso cai.

Yog tias koj tsis kam tso cai rau koj tus menyuam kom tau txais kev kawm tshwj xeeb thiab cov kev pab cuam muaj feem xyuam nyob rau hauv thawj zaug, lossis yog tias koj tsis teb rau qhov kev thov los muab kev tso cai ntawd lossis tau muab tshem tawm nyob rau yav tom qab no (tshem tawm) rau koj txoj kev tso cai nyob rau hauv kev sau ntaub ntawv thiab, vim los ntawm, lub tsev ua hauj lwm tuav tswj tsis muab qhov kev kawm tshwj xeeb thiab cov kev pabcuam uas ntsig txog uas tau thov koj txoj kev tso cai rau koj tus menyuam, lub tsev ua hauj lwm tuav tswj:

1. Tsis yog ua txhaum txoj cai uas yuav tsum tau ua kom tau txais kev kawm ntawv dawb yam tsim nyog (FAPE) uas muaj rau koj tus menyuam vim nws muab tsis tau cov kev qhia ntawv tshwj xeeb thiab cov kev pab cuam ntsig txog rau koj tus menyuam; thiab
2. Tsis tas yuav muaj lub rooj sib tham kev kawm rau ib tug zus (IEP) los yog tsim ib qho IEP rau koj tus menyuam rau kev kawm tshwj xeeb lossis cov kev pabcuam ntsig txog uas xav tau koj li kev tso cai.

Yog tias koj sau ntawv rho tawm (tshem tawm) koj txoj kev tso cai hauv txhua lub sijhawm tom qab koj tus menyuam tau txais kev kawm tshwj xeeb thiab cov kev pabcuam ntsig txog, lub tsev ua hauj lwm tuav tswj yuav tsis tuaj yeem muab cov kev pabcuam txuas ntxiv mus, tab sis yuav tsum tau muab tsab ntawv ceev toom ua ntej rau koj, raws li tau piav qhia nyob rau hauv nqe lus **Tsab Ntawv Ceeb Toom Ua Ntej**, ua ntej yuav txiav cov kev pab cuam.

Niam txiv kev tso cai rau cov kev rov ntsuam xyuas dua

Lub tsev ua hauj lwm tuav tswj yuav tsum tau txais koj daim ntawv tso cai ua ntej nws rov ntsuas xyuas koj tus menyuam, tshwj tsis yog lub tsev ua hauj lwm tuav tswj tuaj yeem qhia tau tias:

1. Nws tau ua cov kauj ruam tsim nyog kom tau koj kev tso cai rau koj tus menyuam qhov kev rov ntsuam xyuas dua; **thiab**
2. Koj tsis teb rov qab rau lawv.

Yog koj tsis kam tso cai rau koj tus menyuam txoj kev rov ntsuam xyuas, tej zaum lub tsev ua hauj lwm tuav tswj yuav, tab sis tsis tas yuav tsum ua, ua raws li koj tus menyuam txoj kev rov ntsuam xyuas dua los ntawm kev siv txoj kev kho kom haum xeeb, txheej txheem kev tsis txaus siab, rooj sib tham daws teeb meem, thiab cov txheej txheem sib hais plaub kev ncaj ncees txhawm rau nrhiav kev dhau cai ntawm koj txoj kev tsis kam tso cai rau koj tus menyuam txoj kev rov ntsuam xyuas dua. Vim nrog cov kev ntsuam xyuas xub thawj no, lub tsev ua hauj lwm tuav tswj tsis ua txhaum nws cov luag num raws li Tshooj B ntawm IDEA yog nws tsis ua raws li txoj kev rov ntsuam xyuas dua zoo li no.

Cov ntawv pov thawj ntawm ua txhua yam kom tau txais kev tso cai ntawm niam txiv

Lub tsev ua hauj lwm tuav tswj yuav tsum khaws cia cov ntaub ntawv ntawm kev ua txhua yam kom tau txais kev tso cai los ntawm niam txiv rau kev ntsuam xyuas xub thawj, los muab kev kawm tshwj xeeb thiab cov kev pabcuam ntsig txog rau thawj zaug, hauv kev rov kuaj dua thiab nrhiav cov niam txiv ntawm cov neeg saib xyuas ntawm Lub Xeev rau kev ntsuam xyuas thawj zaug. Cov ntaub ntawv yuav tsum muaj cov ntaub ntawv teev tseg ntawm lub tsev ua hauj lwm tuav tswj cov kev mob siab rau nyob hauv cov cheeb tsam no, xws li:

1. Teev cov ntsiab lus kev hu xov tooj uas tau hu los yog tau sim thiab cov txiaj ntsig tau txais ntawm cov kev hu xov tooj ntawd;
2. Cov qauv ntawm cov ntawv xa tuaj rau koj thiab txhua cov lus teb tau txais; **thiab**

3. Teev cov ncauj lus ntawm cov kev mus ntsib koj tom tsev uas tau ua lossis qhov chaw ua haujlwm thiab cov txiaj ntsig tau los ntawm cov kev mus ntsib no.

Lwm cov kev tso cai uas yuav tsum tau

Tsis tas yuav tsum tau koj li kev tso cai ua ntej lub tsev ua hauj lwm tuav tswj:

1. Tshawb xyuas cov ntaub ntawv tam sim no raws li yog ib feem ntawm koj tus menyuam qhov kev tshuaj ntsuam lossis kev rov ntsuam xyuas dua; los yog
2. Muab ib qho kev xeem ntawv rau koj tus menyuam lossis lwm yam kev ntsuam xyuas uas tau muab rau txhua tus me nyuam kawm ntawv tshwj tsis yog tias, ua ntej qhov kev xeem lossis kev ntsuam xyuas ntawd, yuav tsum tau kev tso cai los ntawm txhua tus niam txiv ntawm txhua tus menyuam xwb.

Tej zaum lub tsev ua hauj lwm tuav tswj yuav tsis siv koj qhov kev tsis kam tso cai rau ib qho kev pabcuam lossis kev ua si txhawm rau los tsis kam muab lwm yam kev pab cuam, txiaj ntsig kev pab, lossis kev ua si rau koj lossis koj tus menyuam.

Yog tias koj tau rau npe koj tus menyuam rau hauv tsev kawm ntawv ntiav uas koj tus kheej them cov nqi los yog yog tias koj ntiav qhia ntawv hauv tsev rau koj tus menyuam, thiab koj tsis muab kev tso cai rau koj tus menyuam qhov kev tshuaj xyuas xub thawj lossis koj tus menyuam qhov kev rov luj xyuas dua, los yog koj tsis teb rau qhov kev thov kom muab koj qhov kev tso cai, lub tsev ua hauj lwm tuav tswj yuav tsis siv nws txoj kev tso saib kev ua dhau cai (xws li, kev kho kom haum xeeb, kev tsis txaus siab, lub rooj sib tham daws teeb meem, lossis lub rooj sib hais ncaj ncees) thiab tsis tas yuav tsum tau ua los mus txiaj txim seb koj tus me nyuam puas tsim nyog tau txais cov kev pab cuam sib luag (cov kev pabcuam muaj rau cov menyuam uas muaj teebmeem kev lub cev tsis taus uas niam txiv tso kawm hauv tsev kawm ntawv ntiav).

KEV NTSUAM XYUAS KEV KAWM YWJ PHEEJ

34 CFR §300.502

Diam ntawv qhia dav dav

Raws li tau piav qhia tseg hauv qab no, koj muaj cai tau txais kev soj ntsuam kev kawm ntawv ywj pheej (IEE) ntawm koj tus me nyuam yog tias koj tsis pom zoo nrog qhov kev ntsuam xyuas ntawm koj tus me nyuam uas tau txais los ntawm lub tsev ua hauj lwm tuav tswj.

Yog tias koj thov kom muaj ib qho IEE, lub tsev ua hauj lwm tuav tswj yuav tsum muab cov lus qhia rau koj txog tias koj tuaj yeem tau txais IEE nyob rau qhov twg thiab txog lub tsev ua hauj lwm tuav tswj cov cai uas siv rau cov IEEs.

Cov ntsiab lus txhais

Kev ntsuam xyuas kev kawm ywj pheej txhais tau tias yog ib qhov kev ntsuas xyuas tau ua los ntawm ib tus kws ntsuam xyuas tsim nyog uas tsis yog neeg ua hauj lwm ntawm lub tsev ua hauj lwm tuav tswj uas ua lub luag hauj lwm qhia ntawv rau koj tus menyuam.

Kev siv nyiaj pej xeem txhais tau tias lub tsev ua hauj lwm tuav tswj tau them nyiaj rau tag nrho tus nqi ntawm qhov kev luj xyuas lossis xyuas kom meej tias qhov kev luj xyuas yog tsis muaj nuj nqi dab tsi rau koj them, raws li cov kev cai ntawm Tshooj B ntawm IDEA, uas cia txhua Lub Xeev siv yam kev pab txhawb nqa uas Lub Xeev, hauv zos, Tsoomfww, thiab lwm qhov chaw muaj nyob hauv Lub Xeev los ua kom tau raws li txoj cai ntawm Tshooj B ntawm Tsab Cai.

Niam txiv txoj cai los soj ntsuam uas siv tsoom fww cov nuj nqis

Koj muaj cai tau txais ib qho IEE txog ntawm koj tus menyuam uas sib tsoom fww cov nuj nqis yog tias koj tsis pom zoo nrog qhov kev ntsuam xyuas ntawm koj tus menyuam uas tau los ntawm lub tsev ua hauj lwm tuav tswj, nce rau cov hauv qab no:

1. Yog tias koj thov kom muaj ib qho IEE uas koj tus me nyuam uas siv tsoom fww cov nyiaj, lub tsev ua hauj lwm tuav tswj yuav tsum, yam tsis tau ncuab sib hawm dab tsi, los mus: (a) Ua txheej txheem ntawv tsis txaus siab mus thov lub rooj sib hais kom pom tias nws qhov kev ntsuam xyuas ntawm koj tus menyuam yeej tsim nyog; lossis (b) Muab cov IEE los ntawm tsoom fww cov nyiaj, tshwj tsis yog tias lub tsev ua hauj lwm tuav tswj tau qhia raum pom nyob hauv lub rooj sib hais tias qhov kev ntsuam xyuas ntawm koj tus me nyuam uas koj tau txais tsis tau raws li lub tsev ua hauj lwm tuav tswj cov kev cai.
2. Yog tias lub tsev ua hauj lwm tuav tswj thov kom muaj lub rooj sib hais thiab qhov kev txiaj txim siab zaum kawg qhia tau tias lub tsev ua hauj lwm tuav tswj qhov kev ntsuam xyuas ntawm koj tus me nyuam tsim nyog lawm, koj tseem muaj cai tau ib qho IEE, tab sis tsis siv tsoom fww cov nyiaj lawm.

3. Yog tias koj thov ib qho IEE txog ntawm koj tus menyuam, lub tsev ua hauj lwm tuav tswj yuav nug vim li cas koj tsis pom zoo rau qhov kev luj xyuas ntawm koj tus menyuam uas tau los ntawm lub tsev ua hauj lwm tuav tswj. Txawm li cas los xij, lub tsev ua hauj lwm tuav tswj tsis tas yuav piav qhia thiab tej zaum yuav tsis ncuva yam tsis tsim nyog txog ntawm kev muab qhov IEE ntawm koj tus menyuam uas siv tsoom fwm li nyiaj los yog ua tsab ntawv tsis txaus siab los thov lub rooj sib hais plaub los tiv thaiv lub tsev ua hauj lwm tuav tswj qhov kev ntsuam xyuas txog ntawm koj tus menyuam.

Koj tsim nyog tau txais ib qho kev soj ntsuam ntawm koj tus menyuam uas siv tsoom fwm cov nyiaj hauv txhua lub sij hawm lub tsev ua hauj lwm tuav tswj ua ib qho kev ntsuam xyuas ntawm koj tus menyuam uas koj tsis pom zoo.

Niam txiv-thawj qhov kev ntsuam xyuas

Yog tias koj tau txais qhov IEE ntawm koj tus menyuam uas siv tsoom fwm li nyiaj los yog koj sib pab nrog lub tsev ua hauj lwm tuav tswj them tus nqi kev siv rau ib qho kev tshuaj xyuas ntawm koj tus menyuam uas koj tau txais los ntawm tus kheej li nyiaj them:

1. Lub tsev ua hauj lwm tuav tswj yuav tsum xav txog qhov kev ntsuam xyuas tau ntawm koj tus menyuam, yog nws ua tau raws li pawg lub tsev ua hauj lwm tuav tswj cov cai ntawm IEEs, nyob rau txhua qhov kev txiav txim siab tau ua raws li txoj cai ntawm kev kawm ntawv dawb tsim nyog (FAPE) rau koj tus menyuam; **thiab**
2. Koj los yog lub tsev ua hauj lwm tuav tswj tuaj yeem tshaj qhia qhov kev ntsuam xyuas raws li yog ib qho pov thawj nyob rau hauv lub rooj sib hais plaub hais txog koj tus menyuam.

Kev thov rau kev ntsuam xyuas los ntawm cov kws lij choj txiav txim plaub ntug

Yog tias tus thawj kws lij choj txiav txim plaub ntug thov kom muaj qhov kev ntsuam xyuas kev kawm ywj pheej ntawm koj tus menyuam raws li yog ib feem ntawm txheej txheem lub rooj sib hais plaub, tus nqi ntawm qhov kev luj xyuas yuav tsum yog siv tsoom fwm li nyiaj them.

Lub Tsev Ua Hauj Lwm Tuav Tswj cov cai

Yog tias qhov kev ntsuam xyuas kev kawm ywj pheej yog siv tsoom fwm li nyiaj, cov cai uas tau ua qhov kev ntsuam xyuas raws, nrog rau qhov chaw nyob ntawm qhov kev ntsuam xyuas thiab cov kev tsim nyog ntawm tus neeg ntsuam xyuas, yuav tsum yog zoo tib yam li cov cai uas lub tsev ua hauj lwm tuav tswj siv thaum nws pib ua qhov kev ntsuam xyuas (raws li cov cai no raug raws li koj txoj cai kom tau ib qho kev ntsuam xyuas kev kawm ywj pheej).

Tsuas yog zam rau cov txheej txheem tau piav saum toj no, tej zaum lub tsev ua hauj lwm tuav tswj yuav tsis teev cov ncauj lus lossis lub sijhawm ntsig txog kev tau txais ib qho kev ntsuam xyuas kev kawm ywj pheej uas yog siv tsoom fwm li nyiaj.

COV NTSIAB LUS TXHAIS

34 CFR §300.611

Raws li siv hauv nqe lus **Ke Ceev Tseg Tsis Pub Leej Twg Paub ntawm Cov Ntaub Ntawv:**

Kev rhuav tshem txhais tias kev rhuav tshem ntawm lub cev lossis tshem tawm tus kheej cov ntaub ntawv qhia txog los ntawm cov ntaub ntawv kom cov ntaub ntawv tsis yog tus kheej keeb li ntaub ntawv lawm.

Cov ntaub ntawv teev kev kawm ntawv txhais tau tias hom ntaub ntawv teev tseg nyob rau hauv lub ntsiab lus ntawm “cov ntaub ntawv teev kev kawm ntawv” hauv 34 CFR Tshooj 99 (cov cai tswj kev siv Txoj Cai Tsev Neeg Cov Cai Kev Kawm Ntawv thiab Txoj Cai Ntiag Tug ntawm 1974, 20 U.S.C. 1232g (FERPA)).

Koom haum koom tes txhais tias txhua lub koom haum lossis lub chaw kawm ntawv tsoom fwm uas suav sau, khaws, los yog siv cov ntaub ntawv qhia txog tus kheej, los yog los ntawm qhov chaw uas tau txais cov ntaub ntawv no, raws li Tshooj B ntawm IDEA.

Daim Ntawv Ceeb Toom Txheej Txheem Kev Tiv Thaiv
Hauv Cov Cai ntawm IDEA thiab ECEA
6 Colorado Lub Tsev Saib Xyuas Kev Kawm Ntawv
Tau kho dua tshiab 07/01/11

COV NTAUB NTAUV QHIA TXOG TUS KHEEJ

34 CFR §300.32

Cov ntaub ntawv qhia txog tus kheej txhais tau tias cov ntaub ntawv uas muaj:

- (a) Koj tus me nyuam lub npe, koj lub npe tam li yog tus niam txiv, los yog lub npe ntawm lwm tus neeg hauv tsev neeg;
- (b) Koj tus menyuam qhov chaw nyob;
- (c) Ib qho cim qhia tus kheej, xws li koj tus menyuam tus lej social security lossis tus naj npawb tub ntxhais kawm; **los yog**
- (d) Ib daim ntawv teev cov yam ntxwv ntawm tus kheej lossis lwm cov ntaub ntawv uas yuav ua rau nws tuaj yeem txheeb tau tias yog koj tus menyuam nrog kev paub tseeb.

DAIM NTAUV CEEB TOOM RAU COV NIAM TXIV

34 CFR §300.612

Colorado Lub Tsev Lis Haujlwm Kev Kawm Ntawv (CDE) yuav tsum muab ntawv ceeb toom rau niam txiv tias muaj cov cai uas tsim nyog kom qhia tag nrho rau cov niam txiv txog kev tsis pub lwm tus paub ntawm cov ntaub ntawv qhia txog tus kheej, nrog rau:

1. Cov lus piav qhia ntxiv uas daim ntawv ceeb toom raug muab rau hauv hom lus xub thawj ntawm ntau hom pawg neeg nyob hauv Lub Xeev;
2. Cov lus piav qhia ntawm cov menyuam yaus uas lawv cov ntaub ntawv qhia txog tus kheej raug khaws cia, cov hom ntaub ntawv tau nrhiav, cov hau kev Lub Xeev npaj siab siv los sau cov ntaub ntawv (nrog rau cov chaw uas cov me nyuam cov ntaub ntawv raug sib sau), thiab cov kev siv yuav tsum tau ua los ntawm cov ntaub ntawv;
3. Cov ntsiab lus ntawm cov cai thiab cov txheej txheem uas cov koom haum koom tes yuav tsum ua raws li kev khaws cia, kev nthuav tawm rau cov neeg sab nraud, tuav tseg, thiab kev rhuav tshem ntawm cov ntaub ntawv qhia txog tus kheej; **thiab**
4. Kev piav qhia ntawm tag nrho cov cai ntawm cov niam txiv thiab cov menyuam yaus hais txog cov ntaub ntawv no, nrog rau cov cai nyob rau hauv Tsev Neeg Cov Cai Kev Kawm Ntawv thiab Txoj Cai Ntiag Tug (FERPA) thiab nws cov cai kev siv hauv 34 CFR Tshooj 99.

Ua ntej muaj cov cim qhia txog tseem ceeb, qhov chaw, lossis kev tshuaj ntsuam xyuas (kuj hu ua "tshawb nrhiav tus menyuam"), daim ntawv ceeb toom yuav tsum raug luam tawm lossis tshaj tawm rau hauv cov ntawv xov xwm los yog lwm yam xov xwm, los yog ob qho tib si, muaj kev ua hauj lwm ntau txaus los ceeb toom rau cov niam txiv thoob plaws Lub Xeev txog ntawm qhov kev nrhiav, txheeb xyuas, thiab ntsuam xyuas cov menyuam uas xav tau kev kawm tshwj xeeb thiab cov kev pab cuam muaj feem xyuam.

COV CAI KEV NKAG TAU RAU

34 CFR §300.613

Lub koom haum uas koom tes yuav tsum tso cai rau koj los tshawb xyuas thiab rov xyuas dua txhua cov ntaub ntawv teev kev kawm ntawv hais txog koj tus menyuam uas tau suav sau, chaws cia, lossis siv los ntawm lub tsev ua hauj lwm tuav tswj raws li Tshooj B ntawm IDEA. Lub koom haum koom tes yuav tsum ua raws li koj cov lus thov los tshuaj xyuas thiab rov xyuas dua txhua cov ntaub ntawv teev txog koj tus menyuam yam tsis tau ncuaj sijhawm uas tsis tsim nyog thiab ua ntej txhua lub rooj sib tham hais txog qhov kev qhia ntawv rau ib tug zus (IEP), lossis lub rooj sib hais plaub kev ncaj ncees (nrog rau lub rooj sib tham daws teeb meem lossis lub rooj sib hais txog kev qhuab qhia), thiab tsis pub ntev tshaj 45 hnuv tom qab koj tau thov.

Koj txoj cai los tshuaj xyuas thiab rov xyuas dua cov ntaub ntawv teev tseg muaj xws li:

1. Koj txoj cai kom tau lus teb los ntawm lub koom haum koom tes rau koj cov lus thov kom piav qhia thiab txhais cov ntaub ntawv teev tseg;
2. Koj txoj cai thov kom lub koom haum muab kev koom tes muab cov ntawv theej ntawm cov ntaub ntawv teev tseg yog tias koj tsis tuaj yeem tshawb tau thiab rov xyuas cov ntaub ntawv teev tseg tshwj tsis yog tias koj tau txais cov ntawv luam no; **thiab**

3. Koj txoj cai kom muaj koj tus neeg sawv cev los tshawb xyuas thiab rov xyuas cov ntaub ntawv teev tseg no.

Lub koom haum uas koom tes yuav xav tias koj muaj cai tshawb xyuas thiab rov xyuas cov ntaub ntawv hais txog koj tus menyuam tshwj tsis yog tau qhia tias koj tsis muaj cai raws li Lub Xeev txoj cai lij choj tswj kav qhov teeb meem uas nyob hauv kev saib xyuas, lossis sib cais thiab sib nrauj.

COV NTAUB NTAUV TEEV KEV NKAG MUS SIV

34 CFR §300.614

Txhua lub koom haum yuav tsum khaws cov ntaub ntawv teev ntawm cov tog neeg tau txais kev nkag mus rau cov ntaub ntawv qhia kev kawm uas tau suav sau tseg, tswj tuav, lossis siv nyob hauv Tshooj B ntawm IDEA (tshwj tsis yog cov niam txiv thiab cov neeg ua haujlwm raug tso cai ntawm lub koom haum koom tes), xws li lub npe ntawm tus neeg sab nraud, hnub tau muab, thiab lub hom phiaj rau qhov kev tso cai rau tus neeg sab nraud los siv cov ntaub ntawv uas kaws tseg no.

COV NTAUB NTAUV TEEV TSEG RAU COV ME NYUAM OB LEEG ROV SAUV

34 CFR §300.615

Yog tias muaj cov ntaub ntawv teev txog kev kawm suav nrog cov ntaub ntawv hais txog ntau tshaj ib tug me nyuam, cov niam txiv ntawm cov me nyuam tsuas muaj txoj cai los tshawb xyuas thiab rov xyuas dua cov ntaub ntawv ntsig txog rau lawv tus menyuam xwb los yog yuav tsum raug qhia paub txog cov ntaub ntawv qhia meej xwb.

DAIM NTAUV TEEV COV HOM NTAUV THIAB COV CHAW NTAUV COV NTAUB NTAUV

34 CFR §300.616

Thaum thov txog, txhua lub koom haum koom tes nrog yuav tsum muab daim ntawv teev cov hom ntawv thiab cov chaw ntawm cov ctaub ctawv uas tau suav sau tseg, tswj xyuas, los yog siv los ntawm lub koom haum.

COV NQI

34 CFR §300.617

Tej zaum txhua lub koom haum koom tes yuav sau tus nqi rau cov ntawv theej ntawm cov ntaub ntawv teev tseg uas tau muab rau koj raws li Tshooj B ntawm IDEA, yog tias tus nqi tsis txwv txiav koj los ntawm kev siv koj txoj cai los tshawb xyuas thiab rov xyuas cov ntaub ntawv no.

Lub koom haum koom tes nrog yuav tsis sau nqi rau kev tshawb nrhiav lossis los muab rov qab cov ntaub ntawv raws li Tshooj B ntawm IDEA.

KEV HLOOV KHO NTAUV COV NTAUB NTAUV RAW S LI NIAM TXIV THOV

34 CFR §300.618

Yog tias koj ntseeg tias cov ntaub ntawv hauv cov ntaub ntawv teev tseg txog kev kawm uas ntsig txog koj tus menyuam cov ntaub ntawv uas tau suav sau, khaws cia, lossis siv nyob hauv Tshooj B ntawm IDEA tsis raug lawm, yuam kev, lossis ua txhaum txoj cai tsis pub lwm tus paub lossis lwm cov cai ntawm koj tus menyuam, koj tuaj yeem thov lub koom haum ua koom tes uas tswj cov ntaub ntawv no los hloov cov ntaub ntawv.

Lub koom haum uas koom tes yuav tsum txiav txim siab seb puas yuav hloov cov ntaub ntawv raws li koj qhov kev thov nyob rau hauv lub sijhawm tsim nyog suav txij tau txais koj daim ntawv thov.

Yog tias lub koom haum koom tes tsis kam los hloov cov ntaub ntawv raws li koj qhov kev thov, nws yuav tsum qhia rau koj txog qhov kev tsis kam thiab qhia koj txog txoj cai rau lub rooj sib hais rau lub hom phiaj no raws li piav nyob rau hauv nqe lus, **Lub Cij Fim Rau Lub Rooj Sib Hais.**

LUB CIJ FIM RAU LUB ROOJ SIB HAIS

34 CFR §300.619

Lub koom haum koom tes yuav tsum, yog tias thov, muab cij fim rau koj los ua lub rooj sib hais los tawm tsum cov ntaub ntawv hauv cov ntawv teev tseg txog kev kawm ntawm koj tus menyuam kom paub meej tias nws tsis yog lawm, yuam kev, lossis lwm yam ua txhaum txoj cai lossis lwm cov cai ntawm koj tus menyuam.

COV TXHEEJ TXHEEM KEV HAIS PLAUB

34 CFR §300.621

Lub rooj sib hais los mus cav cov lus qhia hauv cov ntaub ntawv teev txog kev kawm yuav tsum tau ua raws li cov txheej txheem rau lub rooj sib hais ntawd nyob rau hauv Tsev Neeg Cov Cai Kev Kawm Ntawv thiab Txoj Cai Ntiag Tug (FERPA).

QHOV TXIAJ NTSIG TAU LOS NTAWM KEV SIB HAIS

34 CFR §300.620

Yog tias, raws li qhov txiaj ntsig tau txais los ntawm lub rooj sib hais, lub koom haum muab kev koom tes txiav txim siab tias cov lus qhia tsis muaj tseeb, yuam kev lossis txhaum cai ntawm kev ntiag tug lossis lwm txoj cai ntawm koj tus menyuam, nws yuav tsum hloov cov ntaub ntawv raws li thiab sau ntawv tuaj qhia koj.

Yog tias, raws li qhov txiaj ntsig tau txais los ntawm lub rooj sib hais, lub koom haum muab kev koom tes txiav txim siab tias cov lus qhia tsis muaj tseeb, tsis yuam kev lossis tsis txhaum cai ntawm kev ntiag tug lossis lwm txoj cai ntawm tus menyuam, nws yuav tsum qhia rau koj paub txog koj txoj cai los tso ib cov lus pom hais txog tawm ntawm koj tus me nyuam cov ntaub ntawv uas nws tswj xyuas lossis muab lwm yam laj thawj uas koj tsis pom zoo nrog qhov kev txiav txim siab ntawm lub koom haum koom tes.

Qhov kev piav qhia li ntawd uas tau muab tso rau hauv cov ntaub ntawv teev ntawm koj tus menyuam yuav tsum:

1. Raug txhim kho los ntawm lub koom haum koom tes raws li ib feem ntawm cov ntaub ntawv ntawm koj tus menyuam kom ntev li ntev tau uas cov ntaub ntawv los yog cov ntawv sib tw raug muab ceev cia los ntawm lub koom haum koom tes; **thiab**
2. Yog tias lub koom haum koom tes tau nthuav tawm cov ntaub ntawv ntawm koj tus menyuam lossis qhov kev nyuaj rau txhua tog neeg, qhov kev piav qhia yuav tsum raug nthuav tawm rau tog neeg ntawd tib yam nkaus.

KEV TSO CAI RAU KEV TSHAJ TAWM COV NTAUB NTAWV QHIA TXOG TUS KHEEJ

34 CFR §300.622

Tshwj tsis yog tias cov ntaub ntawv tau muaj nyob hauv cov ntaub ntawv teev kev kawm, thiab kev tshaj tawm yog tau kev tso cai yam tsis tau kev tso cai ntawm niam txiv raws li Tsev Neeg Cov Cai Kev Kawm Ntawv thiab Txoj Cai Ntiag Tug (FERPA), yuav tsum tau koj daim ntawv tso cai ua ntej ua ntej cov ntaub ntawv qhia txog tus kheej raug nthuav tawm rau lwm tog neeg uas tsis yog cov neeg ua haujlwm ntawm cov koom haum koom tes. Tsuas zam rau hauv txheej xwm teev tseg hauv qab no, yuav tsis tas tau koj qhov kev tso cai ua ntej cov ntaub ntawv qhia txog tus kheej raug tso tawm rau cov tub ceev xwm ntawm cov koom haum koom tes rau cov hom phiaj ntawm qhov ua kom tiav raws li Tshooj B ntawm IDEA.

Yuav tsum tau txais koj qhov kev tso cai, lossis kev tso cai kev muaj cai tau txais ntawm tus menyuam tau muaj hnuv nyoog neeg hluas li Lub Xeev txoj cai lij choj, ua ntej cov ntaub ntawv qhia txog tus kheej tau raug tso tawm rau cov tub ceev xwm ntawm cov koom haum koom tes los yog them rau cov kev pab hloov tshiab.

Yog tias koj tus me nyuam nyob hauv, los yog yuav mus, kawm rau ib lub tsev kawm ntawv ntiav uas tsis nyob hauv tib ub tsev ua hauj lwm tuav tswj uas koj nyob, yuav tsum tau txais koj li kev tso cai ua ntej txhua yam ntaub ntawv qhia txog tus kheej ntawm koj tus menyuam raug tso tawm ntawm cov neeg khiav dej num hauv lub tsev ua hauj lwm tuav tswj uas lub tsev kawm ntawv ntiav nyob thiab cov neeg ua haujlwm hauv lub tsev ua hauj lwm tuav tswj uas koj nyob.

KEV TIV THAIV
34 CFR §300.623

Txhua lub koom haum koom tes yuav tsum tiv thaiv cov ntaub ntawv qhia txog tus kheej uas tsis pub leej twg paub thaum suav sau, khaws cia, tshaj tawm, thiab theem kev puas rhuav tshem pov tseg.

Ib tug neeg hauj lwm hauv ib lub koom haum uas koom tes nrog yuav tsum muaj kev lav phib xaub rau kev ua kom tiav tsis pub lwm tus paub txog tus kheej cov ntaub ntawv.

Txhua tus neeg uas suav sau los yog siv cov ntaub ntawv qhia tus kheej yuav tsum tau txais kev cob qhia lossis lus taw qhia txog koj Lub Xeev cov cai thiab cov txheej txheem hais txog kev tsis pub lwm tus paub raws li Tshooj B ntawm IDEA thiab Tsev Neeg Cov Cai Kev Kawm Ntawv thiab Txoj Cai Ntiag Tug (FERPA).

Txhua lub koom haum koom tes yuav tsum ceev cia, rau tsoom fww kev soj ntsuam, daim ntawv teev tam sim no ntawm cov npe thiab cov luag haujlwm ntawm cov neeg ua haujlwm hauv lub koom haum uas muaj cai nkag tau rau cov ntaub ntawv qhia txog tus kheej.

KEV RHAUV TSEM NTAWM COV NTAUB NTAUV
34 CFR §300.624

Lub tsev ua hauj lwm tuav tswj yuav tsum qhia koj thaum twg cov ntaub ntawv qhia txog tus kheej tau raug suav sau, tswj tuav, lossis siv yog tsis xav tau rau kev muab kev pabcuam kev kawm ntawv rau koj tus menyuum mus ntxiv lawm.

Cov ntaub ntawv yuav tsum raug rhuav tshem raws li koj qhov kev thov. Txawm li cas los xij, koj tus menyuum lub npe, chaw nyob, thiab xov tooj, nws qib kawm, cov ntaub ntawv teev kev tuaj tshwm ntsej muag, chav koom kawm ntawv, qib kawm tiav, thiab xyoo ua tiav tej zaum yuav raug tswj cia mus tas li tsis muaj sij hnub kawg.

QHUV SIB TXAWV NTAWM COV TXHEEJ TXHEEM LUB ROOJ SIB HAIS PLAUB THIAB KEV TSIS TXAUS SIAB HAUV XEEV

Cov cai tswj rau Tshooj B ntawm IDEA tsim tawm cov txheej txheem tshwj xeeb rau cov lus tsis txaus siab hauv Xeev thiab rau cov txheej txheem kev tsis txaus siab. Raws li tau piav qhia hauv qab no, txhua tus neeg los yog lub koom haum twg yuav ua tau suam npe, sau Lub Xeev kev tsis txaus siab vim muaj kev ua txhaum ib feem ntawm Tshooj B txoj cai los ntawm lub tsev ua hauj lwm tuav tswj lossis Colorado Department of Education (CDE). Tsuas yog koj los sis lub tsev ua hauj lwm tuav tswj thiaj ua tau ntawv txheej txheem kev tsis txaus siab ntawm ib qho teeb meem twg uas ntsig txog qhov kev pom zoo lossis tsis kam pib los yog hloov qhov kev txheeb xyuas, kev ntsuam xyuas los yog kev hloov chaw kawm ntawm tus me nyuam muaj qhov tsis taus, los yog txoj cai ntawm (FAPE) rau tus menyuum. Feem ntau, CDE tus Thawj Coj Tus Saib Xyuas Cov Neeg Tsis Txaus Siab yuav tsum daws qhov kev tsis txaus siab hauv Xeev tsis pub dhau 60 hnub, tshwj tsis yog lub sij hawm raug txuas ntxiv yam tsim nyog. Nyob rau hauv sib txawv, tus kws txiav txim plaub ntug kev tswj hwm (ALJ) yuav tsum txhim daws lub txheej txheem kev tsis txaus siab (yog tias tsis raug hais daws los ntawm lub rooj sib tham daws teeb meem los yog los ntawm kev sib kho) thiab muab daim ntawv txiav txim siab tsis pub dhau 45 hnub tom qab lub sijhawm daws teeb meem zaus, raws li tau muab piav rau hauv daim ntawv no nyob rau hauv nqe lus **Cov Txheej Txheem Kev Hais Daww**. Ntawm qhov kev thov ntawm ib tog neeg, tus ALJ yuav muab qhov kev ncuaj sij hawm ntxiv rau nqhov txheej txheem kev tsis txaus siab lub sijhawm. Qhov tsis txaus siab hauv Xeev, qhov txheej txheem kev tsis txaus siab, cov rooj sib tham daws teeb meem thiab cov txheej txheem sib hais plaub raug piav qhia ntau dua, hauv qab no.

KEV LEES YUAV NTAWM COV TXHEEJ TXHEEM KEV UA NTAWV TSIIS TXAUS SIAB HAUV XEEV

34 CFR §300.151

Diam ntawv qhia dav dav

CDE yuav tsum tau sau cov txheej txheem rau:

1. Kev daws cov lus tsis txaus siab, nrog rau cov lus tsis txaus siab tau teev los ntawm lub koom haum los yog tus neeg los ntawm lwm Lub Xeev;
2. Qhov kev ua ntawv tsis txaus siab nrog CDE; thiab
3. Kev nthuav dav txog cov txheej txheem kev tsis txaus siab hauv Xeev rau cov niam txiv thiab lwm tus neeg uas xav paub, nrog rau cov chaw cob qhia niam txiv thiab cov ntaub ntawv xov xwm, cov koom haum kev tiv thaiv thiab kev tawm tswv yim, cov chaw pab nyob ywj pheej, thiab lwm cov koom haum tsim nyog.

Cov kev pab rau kev tsis lees txais cov kev pab tsim nyog

Hauv kev daws qhov kev tsis txaus siab hauv Xeev uas tau pom tias CDE tsis muab cov kev pab tsim nyog, CDE yuav tsum hais txog:

1. Qhov tsis muab cov kev pab tsim nyog, nrog rau kev nqis tes ua tsim nyog los hais txog cov kev xav tau ntawm tus menyuam; **thiab**
2. Muab cov kev pab cuam uas tsim nyog yav tom ntej rau txhua tus menyuam uas muaj kev xiam oob qhab.

COV TXHEEJ TXHEEM KEV UA NTAWV TSIIS TXAUS SIAB HAUV XEEV TSAWG KAWG KIAG

34 CFR §300.152

Lub sijhawm txwv; cov txheej txheem yam tsawg kawg nkaus

Lub CDE yuav muaj nyob rau hauv nws cov txheej txheem kev tsis txaus siab hauv Xeev lub sij hawm txwv ntawm 60 hnuv tom qab qhov tsis txaus siab raug xa mus rau:

1. Ua qhov kev tshawb nrhiav ywj pheej hauv chaw, yog tias CDE txiav txim siab tias qhov kev tshawb xyuas tseem ceeb;
2. Muab sijhawm rau tus neeg tsis txaus siab xa cov ntaub ntawv ntxiv, hav kev hais lus lossis sau ntawv, txog cov lus sib liam hauv kev tsis txaus siab;
3. Muab lub sij hawm rau lub tsev ua hauj lwm tuav tswj los teb cov lus tsis txaus siab, nrog rau, yam tsawg kawg: (a) ntawm qhov kev xaiv ntawm lub koom haum, lub tswv yim nthuav tawm los daws qhov tsis txaus siab; **thiab** (b) muaj caij nyoog rau niam txiv tus uas tau ua ntawv tsis txaus siab thiab lub koom haum los yeem los koom tes hauv kev kho kom haum xeeb;
4. Rov saib tag nrho cov ntaub ntawv tseem ceeb thiab ua qhov kev txiav txim siab ywj pheej raws li seb lub tsev ua hauj lwm tuav tswj puas ua txhaum ib qho kev cai ntawm Tshooj B ntawm IDEA; **thiab**
5. Muab sau qhov kev txiav txim siab mus rau tus neeg tsis txaus siab uas hais txog txhua qhov kev iab liam hauv qhov kev tsis txaus siab thiab muaj: (a) kev tshawb pom qhov tseeb thiab cov lus xaus; **thiab** (b) cov laj thawm rau CDE qhov kev txiav txim siab zaum kawg.

Lub sij hawm ncuu ntxiv; kev txiav txim siab zaum kawg; kev siv

CDE cov txheej txheem piav qhia saum toj no kuj yuav tsum:

1. Tso cai rau ncuu sij hawm ntxiv 60 hnuv nkaus xwb yog tias: (a) muaj xwm txheej uas zam tau uas muaj nyob rau ib qho kev tsis txaus siab hauv Xeev; **los yog** (b) koj thiab lub tsev ua hauj lwm tuav tswj lossis

lwm lub koom haum tsoom fww yeem los pom zoo los ncuu sij hawm daws qhov teeb meem los ntawm kev kho kom haum xeeb.

2. Muab cov txheej txheem rau kev siv tau ntawm CDE qhov kev txiav txim siab zaum kawg, yog tsim nyog, nrog rau: (a) kev pabcuam ua haujlwm fab kev paub; (b) kev sib khom lus; **thiab** (c) kev txhim kho kom ua tau raws li kev cai.

Lub rooj sib hais plaub kev tsis txaus siab hauv xeev thiab cov txheej txheem kev tsis txaus siab

Yog tau txais daim ntawv tsis txaus siab hauv Lub Xeev uas yog qhov tseem ceeb ntawm lub rooj sib hais plaub raws li tau muab piav qhia hauv qab nqe **Ua Daim Ntawv Txheej Txheem Kev Tsis Txaus Siab**, lossis daim ntawv tsis txaus siab hauv Xeev muaj ntau yam teeb meem ntawm uas ib qho los yog ntau qhov yog ib feem ntawm lub rooj sib hais ntawd, Lub Xeev yuav tsum tau tso tseg qhov kev tsis txaus siab hauv Xeev no, lossis tej feem ntawm daim ntawv tsis txaus siab hauv Xeev no uas tau hais tseg hauv lub rooj sib hais plaub txog thaum lub rooj sib hais tiav lawm. Txhua qhov teeb meem hauv daim ntawv tsis txaus siab hauv Xeev uas tsis yog ib feem ntawm lub rooj sib hais plaub yuav tsum raug daws los ntawm siv lub sij hawm txwv thiab cov txheej txheem piav qhia saum toj saud.

Yog tias qhov teeb meem tshwm sim hauv daim ntawv tsis txaus siab hauv Xeev tau raug txiav txim siab nyob rau hauv lub rooj sib hais plaub yav tas los ntsig txog tib cov tog neeg qub (koj thiab lub tsev ua hauj lwm tuav tswj), ces qhov kev txiav txim siab ntawm lub rooj sib hais plaub muaj kev cuam tshuam rau qhov teeb meem ntawd thiab CDE yuav tsum tau qhia tus neeg tsis txaus siab tias qhov kev txiav txim siab yog tsim muaj.

Ib qho kev tsis txaus siab iab liam lub tsev ua hauj lwm tuav tswj qhov tsis ua haujlwm rau lub rooj sib hais plaub yuav tsum raug hais daws los ntawm CDE.

KEV SAU IB DAIM NTAWV TSIS TXAUS SIAB

34 CFR §300.153

Ib lub koom haum lossis ib tug neeg tuaj yeem ua ib daim ntawv tsis txaus siab hauv Xeev uas tau kos npe rau raws li cov txheej txheem tau piav saum toj no.

Daim ntawv tsis txaus siab hauv Xeev yuav tsum muaj:

1. Ib nqe lus uas lub tsev ua hauj lwm tuav tswj tau ua txhaum rau ib qho cai ntawm Tshooj B ntawm IDEA lossis nws cov cai;
2. Cov lus qhia qhov tseeb raws li cov ntsiab lus tau teev tseg yog raws li;
3. Qhov kos npe thiab cov ntaub ntawv tiv tauj rau tus tsis txaus siab; thiab
4. Yog tias muaj kev yuam cai hais txog tus me nyuam tshwj xeeb:
 - (a) Lub npe ntawm tus me nyuam thiab chaw ntawm lub chaw nyob ntawm tus menyuam;
 - (b) Lub npe ntawm tsev kawm ntawv tus menyuam qhov kev tuaj kawm;
 - (c) Nyob rau thaum yog tus menyuam yaus los yog cov hluas uas tsis muaj tsev nyob, yuav tsum muaj cov ntaub ntawv tiv tauj tau rau tus me nyuam, thiab lub npe ntawm lub tsev kawm ntawv tus menyuam tuaj kawm;
 - (d) Kev piav qhia ntawm qhov teeb meem ntawm tus menyuam, nrog rau cov lus tseeb txog qhov teeb meem; **thiab**
 - (e) Lub tswv yim daws teeb meem rau cov uas paub txog thiab muaj rau tog neeg ua daim ntawv tsis txaus siab thaum lub sij hawm qhov kev tsis txaus siab raug xa tuaj.

Tsab ntawv tsis txaus siab yuav tsum hais qhov ua txhaum cai uas tau tshwm sim tsis ntev tshaj ib xyoo ua ntej rau hnuv uas tau txais daim ntawv tsis txaus siab raws li tau piav hauv nqe lus **Kev Lees Los Siv ntawm Lub Xeev Cov Txheej Txheem Kev Tsis Txaus Siab**.

Tus neeg uas ua daim ntawv tsis txaus siab hauv Xeev yuav tsum xa ib daim qauv ntawm daim ntawv tsis txaus siab mus rau lub tsev ua hauj lwm tuav tswj uas muab kev pabcuam tus menyuam nyob rau tib lub sij hawm tog neeg ntawv xa daim ntawv kev tsis txaus siab mus rau CDE.

Koj tuaj yeem tau txais cov ntaub ntawv ntiv hais txog CDE cov txheej txheem Kev Tsis Txaus Siab hauv Xeev thiab cov foos los ntawm kev hu rau CDE lub Exceptional Student Leadership Unit ntawm (303) 866-6694 lossis mus rau CDE Dispute Resolution Web Page: <http://www.cde.state.co.us/spedlaw/info.htm>.

KEV SAU IB DAIM NTAWV TXHEEJ TXHEEM KEV TSIS TXAUS SIAB

34 CFR §300.507

Diam ntawv qhia dav dav

Koj lossis lub tsev ua hauj lwm tuav tswj tuaj yeem ua tsab ntawv tsis txaus siab nyob rau txhua qhov teeb meem hais txog lub tswv yim lossis kev tsis kam pib los yog hloov qhov kev txheeb npe, kev ntsuam xyuas lossis kev hloov chaw kawm ntawm koj tus menyuam, los yog txoj cai ntawm tsoom fwm txoj kev pab cuam kawm ntawv pub dawb uas tsim nyog (FAPE) rau koj tus menyuam.

Daim ntawv kev tsis txaus siab yuav tsum hais txog qhov ua txhaum cai uas tau tshwm sim tsis ntev tshaj ob xyoos ua ntej koj los yog lub tsev ua hauj lwm tuav tswj paub los yog tsim nyog paub txog qhov kev iab liam uas tsim lub hauv paus ntawm txheej txheem kev tsis txaus siab.

Lub sij hawm teev saum toj no tsis raug rau koj yog tias koj tsis tuaj yeem ua tsab ntawv tsis txaus siab nyob hauv ncuaj sij hawm vim hais tias:

1. Lub tsev ua hauj lwm tuav tswj tau dag tias nws tau daws cov teeb meem teev tseg hauv qhov kev tsis txaus siab; **lossis**
2. Lub tsev ua hauj lwm tuav tswj tau tuav tseg cov lus qhia los ntawm koj tias nws raug samfwm los muab rau koj raws li Tshooj B ntawm IDEA.

Cov ntaub ntawv rau cov niam txiv

Lub tsev ua hauj lwm tuav tswj yuav tsum qhia txog fab kev cai lij choj los yog lwm cov kev pab cuam ntsig txog pub dawb rau koj uas muaj nyob hauv cheeb tsam yog tias koj thov cov ntaub ntawv, lossis yog koj los sis lub tsev ua hauj lwm tuav tswj ua daim ntawv tsis txaus siab.

TXHEEJ TXHEEM KEV TSIS TXAUS SIAB

34 CFR §300.508

Diam ntawv qhia dav dav

Yuav kom thov tau ib lub rooj sib hais, koj los yog lub tsev ua hauj lwm tuav tswj (lossis koj tus kws lij choj lossis lub tsev ua hauj lwm tuav tswj tus kws lij choj) yuav tsum xa daim ntawv txheej txheem tsis txaus siab mus rau lwm tog neeg. Daim ntawv tsis txaus siab ntawd yuav tsum muaj txhua yam ntawm cov ntsiab lus teev hauv qab no thiab yuav tsum tau ceev cia tsis pub leej twg paub.

Koj los yog lub tsev ua hauj lwm tuav tswj, tog twg los tau uas ua daim ntawv tsis txaus siab, yuav tsum tau muab daim qauv ntawm cov ntaub ntawv tsis txaus siab rau Colorado Department of Education (CDE).

Cov ntsiab lus ntawm qhov kev tsis txaus siab

Cov txheej txheem kev tsis txaus siab yuav tsum muaj:

1. Lub npe ntawm tus menyuam;
2. Qhov chaw nyob ntawm tus menyuam lub chaw nyob;
3. Lub npe ntawm tus menyuam lub tsev kawm ntawv;

4. Yog tias tus me nyuam yog tus menuam tsis muaj vaj tsev nyob, tus me nyuam cov ntaub ntawv sib tiv tauj thiab lub npe ntawm tus menuam lub tsev kawm ntawv;
5. Cov lus piav qhia txog qhov teeb meem ntawm tus me nyuam ntsig txog lub tswv yim lossis kev tsis kam muab, nrog rau cov lus muaj tseeb ntsig txog rau qhov teeb meem; **thiab**
6. Lub tswv yim daws teeb meem rau cov uas paub txog thiab muaj rau koj los yog lub tsev ua hauj lwm tuav tswj nyob rau hauv lub sij hawm ntawd.

Daim ntawv ceeb toom yuav tsum tau ua ua ntej rooj sib hais ntawm qhov kev tsis txaus siab

Koj los yog lub tsev ua hauj lwm tuav tswj yuav tsis muaj lub rooj sib hais plaub txog ntua ntawm koj los yog lub tsev ua hauj lwm tuav tswj (lossis koj tus kws lij choj lossis lub tsev ua hauj lwm tuav tswj tus kws lij choj), xa daim ntawv txheej txheem tsis txaus siab uas muaj cov ntaub ntawv teev saum toj no.

Kev muaj txaus ntawm qhov kev tsis txaus siab

Txhawm rau kom tsab ntawv tsis txaus siab mus txuas ntxiv, nws yuav tsum tau raug pom tias muaj qhov zoo txaus. Qhov kev tsis txaus siab yuav raug xam tias muaj txaus (kom ua tau raws li cov ntsiab lus yuav tsum tau saum toj saud) tshwj tsis yog tog neeg tau txais tsab ntawv tsis txaus siab (koj los yog lub tsev ua hauj lwm tuav tswj) sau ua ntaub ntawv qhia rau tus (ALJ) thiab lwm tog neeg, tsis pub dhau 15 hnuv txij hnuv tau txais daim ntawv tsis txaus siab, tias tus neeg tau txais daim ntawv tsis txaus siab ntseeg tau tias qhov kev tsis txaus siab tsis tau raws li cov kev cai teev tseeg saum toj saud.

Nyob rau hauv tsib hnuv txij hnuv tau txais tsab ntawv ceeb toom uas koj los yog lub tsev ua hauj lwm tuav tswj suav tias zoo txaus cov txheej txheem kev tsis txaus siab, tus ALJ yuav tsum txiav txim siab seb qhov kev tsis txaus siab txog tau raws li cov nqe lus yuav tsum tau uas teev saum toj no, thiab sau ntawv tuaj ceeb toom qhia rau koj thiab lub tsev ua hauj lwm tuav tswj tam sim ntawd.

Kev hloov kev tsis txaus siab

Koj los yog lub tsev ua hauj lwm tuav tswj tuaj yeem hloov (ua kev hloov tau rau) qhov kev tsis txaus siab tsuas yog tias:

1. Lwm tog neeg pom zoo rau cov kev hloov hauv kev sau ua ntaub ntawv thiab tau muab lub sijhawm los mus daws qhov txheej txheem kev tsis txaus siab los ntawm lub rooj sib tham daws teeb meem, tau piav hauv qab no; **los yog**
2. Tsis pub ntev tshaj tsib hnuv ua ntej lub rooj sib hais plaub pib, tus ALJ tso cai rau qhov kev hloov.

Yog hais tias tus neeg tsis txaus siab (koj los yog lub tsev ua hauj lwm tuav tswj) ua cov kev hloov rau qhov kev tsis txaus siab, lub sij hawm rau lub rooj sib tham daws teeb meem (tsis pub dhau 15 hnuv txij hnuv tau txais qhov kev tsis txaus siab) thiab nua sijhawm rau kev daws teeb meem (tsis pub dhau 30 hnuv tsij hnuv tau txais qhov kev tsis txaus siab) rov pib dua nyob rau hnuv uas qhov hloov ntawm daim ntawv tsis txaus siab tau xa tuaj.

Lub tsev ua hauj lwm tuav tswj cov lus teb rau cov txheej txheem kev ua ntawv tsis txaus siab

Yog hais tias lub tsev ua hauj lwm tuav tswj tsis tau xa ib daim ntawv ceeb toom ua ntej rau koj, raws li tau piav qhia nyob rau hauv nqe lus **Daim Ntawv Ceebtoom Ua Ntej**, hais txog cov ntsiab lus muaj nyob rau hauv koj qhov txheej txheem kev tsis txaus siab, lub tsev ua hauj lwm tuav tswj yuav tsum tau xa ib qho lus teb rau koj tsis pub dhau 10 hnuv txij li hnuv tau txais tsab ntawv tsis txaus siab uas muaj nrog:

1. Ib qho kev piav qhia txog vim li cas lub tsev ua hauj lwm tuav tswj thiaj li pom zoo los yog tsis kam ua raws li cov lus uas tau liam hauv qhov txheej txheem kev tsis txaus siab;
2. Cov lus piav qhia txog lwm txoj hau kev xaiv uas koj tus menuam Pab Neeg hauv txoj kev kawm rau ib tug zus (IEP) tau xav txog thiab qhov laj thawj yog vim li cas vim cov kev xaiv raug tsis kam;

3. Cov lus piav qhia ntawm txhua txoj kev ntsuam xyuas, kev txheeb xyuas, cov ntawv teev tseg, los yog ntawv tshaj qhia uas lub tsev ua hauj lwm tuav tswj tau siv raws li qhov tau npaj tseg lossis tsis kam ua; thiab
4. Ib qho kev piav qhia ntawm lwm yam uas muaj feem xyuam rau lub tsev ua hauj lwm tuav tswj lub tswv yim tau npaj lossis tsis kam ua.

Kev muab cov ntaub ntawv nyob rau hauv nqe 1-4 saum toj no tsis tau tiv thaiv lub tsev ua hauj lwm tuav tswj los ntawm kev pom zoo tias koj qhov kev tsis txaus siab muaj tsis txaus.

Lwm tog neeg cov lus teb rau cov txheej txheem kev ua ntawv tsis txaus siab

Tsuas yog raws li tau teev tseg hauv nqe lus saum toj saud, **Lub tsev ua hauj lwm tuav tswj cov lus teb rau qhov kev tsis txaus siab**, tus neeg tau txais qhov kev tsis txaus siab yuav tsum xa ib daim ntawv teb rau lwm tog neeg uas hais meej txog qhov teeb meem hauv daim ntawv tsis txaus siab tsis pub dhau 10 hnuv txij li hnuv tau txais daim ntawv tsis txaus siab.

TUS ME NYUAM QHOV KEV HLOOV CHAW THAUM TAB TOM UA COV TXHEEJ TXHEEM KEV TSIS TXAUS SIAB THIAB KEV HAIS PLAUB YOG TSEEM TAB TOM TOS HAIS

34 CFR §300.518

Tsuas yog tshwj raws li tau muab hauv qab no nyob rau hauv nqe lus **COV TXHEEJ TXHEEM THAUM RAU TXIM RAU IB TUG ME NYUAM UAS MUAJ KEV XIAM OOB QHAB**, thaum ib qho txheej txheem kev tsis txaus siab raug xa mus rau lwm tog neeg, thaum lub sijhawm txheej txheem daws teeb meem, thiab thaum tseem tab tom tos qhov kev txiav txim siab ntawm lub rooj sib hais lossis lub rooj hais plaub, tshwj tsis yog tias koj thiab lub tsev ua hauj lwm tuav tswj pom zoo ua lwm yam, koj tus menyuam yuav tsum nyob twj ywm hauv nws qhov kev kawm ntawv tam sim no.

Yog tias qhov kev tsis txaus siab muaj feem nrog rau daim ntawv thov nkag rau tsev kawm ntawv tsoom fww, koj tus menyuam, nrog rau koj kev tso cai, yuav tsum raug muab tso rau hauv lub tsev kawm ntawv tsoom fww ib txwm kawm kom txog thaum ua tiav tag nrho cov kev sib hais plaub no.

Yog qhov kev tsis txaus siab muaj feem nrog daim ntawv thov rau cov kev pabcuam xub thawj nyob hauv Tshooj B ntawm IDEA rau ib tus menyuam uas tab tom hloov ntawm kev pabcuam raws kev tau txais kev pab hauv Tshooj C ntawm IDEA rau Tshooj B ntawm IDEA thiab nws tsis tsim nyog rau cov kev pab cuam hauv Tshooj C ntxiv lawm vim hais tias tus me nyuam tau thib peb, lub tsev ua hauj lwm tuav tswj tsis tas yuav tsum muab cov kev pab cuam hauv Tshooj C uas tus me nyuam tau txais dhau los. Yog tias tus me nyuam raug tshawb pom tias tsim nyog tau txais raws li Tshooj B ntawm IDEA thiab koj tso cai rau tus menyuam tau txais kev kawm tshwj xeeb thiab cov kev pab cuam muaj feem xyuam rau thawj zaug, tom qab ntawd ces, ncuu tos cov kev tshawb tau los ntawm cov txheej txheem, lub tsev ua hauj lwm tuav tswj yuav tsum muab cov kev kawm tshwj xeeb thiab lwm yam kev pab cuam ntsig txog uas tsis nyob hauv qhov kev tsis sib haum (cov uas koj thiab lub tsev ua hauj lwm tuav tswj pom zoo).

Yog tias ib tus kws txiav txim plaub ntug hauv lub rooj sib hais plaub ua los ntawm CDE pom zoo nrog koj tias qhov kev hloov chaw kawm yog tsim nyog, qhov chaw kawm ntawv yuav tsum raug hwm raws li koj tus me nyuam qhov chaw kev kawm tam sim no uas koj tus me nyuam tseem yuav nyob twj ywm hauv thaum tos rau kev txiav txim siab ntawm lub rooj sib hais plaub kev ncaj ncees lossis rooj sib hais plaub.

COV FOOS NTAWV QAUV

34 CFR §300.509

Lub CDE yuav tsum tsim cov qauv foos los pab koj ua daim ntawv tsis txaus siab thiab qhov tsis txaus siab hauv Xeev. Txawm li cas los xij, lub CDE lossis pawg lub tsev ua hauj lwm tuav tswj yuav tsis yuam kom koj siv cov qauv no. Qhov tseeb, koj tuaj yeem siv daim ntawv foos no los yog lwm daim qauv tsim nyog, tsuav nws muaj cov ntaub ntawv xav tau los teev cov lus txheej txheem tsis txaus siab lossis qhov tsis txaus siab hauv Xeev xwb.

CDE cov qauv foos rau Qhov Kev Tsis Txaus Siab Hauv Xeev, Lub Txheej Txheem Kev Tsis Txaus Siab thiab Kev Kho Kom Haum Xeeb yuav tau hu rau CDE lub Exceptional Student Leadership Unit ntawm (303) 866-6694 lossis mus rau CDE Dispute Resolution Web Page: <http://www.cde.state.co.us/spedlaw/info.htm>.

KEV KHO KOM HAUM XEEB

34 CFR §300.506

Diam ntawv qhia dav dav

Kev kho kom haum xeeb muaj rau koj thiab lub tsev ua hauj lwm tuav tswj los daws cov kev tsis sib haum xeeb uas cuam tshuam txog tej teeb meem nyob rau hauv Tshooj B ntawm IDEA, nrog rau cov teeb meem muaj ua ntej ua ntawv txheej txheem kev tsis txaus siab. Yog li, kev kho kom haum xeeb yeej muaj los daws teeb meem raws li Tshooj B ntawm IDEA, txawm tias koj twb tau ua los yog tsis tau ua qhov txheej txheem kev tsis txaus siab.

Cov uas yuav tsum tau

Cov txheej txheem yuav tsum xyuas kom meej tias cov txheej txheem kev kho kom haum xeeb:

1. Yog kev yeem ntawm koj feem thiab lub tsev ua hauj lwm tuav tswj feem;
2. Tsis yog siv los txwv lossis ncuu koj txoj cai mus rau lub rooj sib hais plaub, lossis los txwv tsis pub muaj lwm txoj cai koj muaj nyob rau hauv Tshooj B ntawm IDEA; **thiab**
3. Yog raug ua los ntawm ib tus kws kho kom haum xeeb uas tsim nyog thiab muaj kev ncaj ncees uas tau kawm cov tswv yim txoj kev kho kom haum xeeb zoo.

Tej zaum lub tsev ua hauj lwm tuav tswj yuav tsim cov txheej txheem uas ua rau cov niam txiv thiab cov tsev kawm ntawv uas xaiv tsis txhob siv lub rooj hais kom sib haum xeeb, lub cij fim los ua kom tau raws li, nyob rau hauv lub sijhawm thiab qhov chaw uas yooj yim rau koj, nrog ib tog neeg tsis txaus siab:

1. Tus uas tseem nyob rau hauv daim ntawv cog lus nrog ib lub chaw hais daws teeb meem tsim nyog, lossis lub chaw cob qhia niam txiv thiab cov ntaub ntawv chaw lossis lub chaw pabcuam niam txiv nyob hauv lub zej zog hauv Lub Xeev; **thiab**
2. Tus uas yuav piav qhia txog cov txiaj ntsig thiab txhawb kom siv txoj kev kho kom haum xeeb rau koj.

Lub CDE khaws cia ib daim ntawv teev cov npe ntawm cov neeg uas yog tus neeg tuaj yeem kho kom haum xeeb tsim nyog thiab paub cov cai lij choj thiab cov cai tswj fwm txog kev muab ntawm txoj kev kawm tshwj xeeb thiab lcov kev pabcuam ntsig txog. Cov neeg tuaj daws teeb meem ntawm kev ua kom haum xeeb uas yog xaiv raws txoj hmoo, raws kev sib hloov, lossis lwm yam kev ncaj ncees.

Lub CDE yuav lav them tus nqi rau cov neeg tuaj daws teeb meem ntawm kev ua kom haum xeeb. Txhua lub rooj sib tham hauv txoj kev kho kom haum xeeb yuav tsum tau teem caij txhua lub sijhawm thiab tsa nyob rau ntawm ib qho chaw uas muaj kev yooj yim rau koj thiab lub tsev ua hauj lwm tuav tswj.

Yog tias koj thiab lub tsev ua hauj lwm tuav tswj daws qhov teeb meem los ntawm txoj kev kho kom haum xeeb, ob tog yuav tsum ua daim ntawv pom zoo uas:

1. Teev tag nrho cov kev cog lus ntawm koj thiab lub tsev ua hauj lwm tuav tswj;
2. Hais tias tag nrho cov kev sib tham uas tau tshwm sim thaum lub sijhawm txoj kev kho kom haum xeeb yuav raug khaws cia tsis pub leej twg paub thiab tej zaum yuav tsis raug siv ua pov thawj rau txhua lub rooj sib hais plaub lossis kev hais plaub ntug yav tom qab; **thiab**
3. Yog tau kos npe los ntawm nej ob tog thiab ib tug neeg sawv cev ntawm lub tsev ua hauj lwm tuav tswj uas muaj cai rau khi hauv lwm rau lub tsev ua hauj lwm tuav tswj.

Ib daim ntawv kev pom zoo hauv kev kho kom haum xeeb uas tau kos npe rau yog tswj tau nyob rau hauv Lub Xeev txhua lub tsev hais plaub muaj cai tau txais kev txiav txim (ib lub tsev hais plaub uas muaj cai raws li Lub Xeev txoj cai kom hais plaub qhov teeb meem no) lossis hauv lub tsev hais plaub hauv nroog hauv lub Tebchaws Asmeskas.

Kev sib tham uas tau tshwm sim thaum lub sijhawm txoj kev kho kom haum xeeb yuav tsum tsis pub leej twg paub. Lawv siv tsis tau los ua pov thawj nyob rau hauv txhua lub rooj sib hais plaub los yog txheej txheem kev hais plaub ntug ntawm Tsoom Fwv Teb Chaws los yog Lub Xeev lub tsev hais plaub uas tau txais kev pab raws li Tshooj B ntawm IDEA.

Kev tsis ncaj ncees ntawm tus neeg tuaj daws teeb meem

Tus Neeg Tuaj Daws Teeb Meem:

1. Tej zaum yuav tsis yog tus neeg ua haujlwm ntawm CDE lossis lub tsev ua hauj lwm tuav tswj uas muaj feem xyuam nrog hauv kev kawm lossis kev tu ntawm koj tus menyuam; **thiab**
2. Yuav tsum tsis txhob muaj kev txaus siab feem ntawm tus kheej los yog kev txaus siab fab kev ua hauj lwm uas tsis sib haum xeeb nrog tus neeg tuaj pab kho lub hom phiaj.

Tus neeg tuaj kho kom haum xeeb tsis yog tus neeg ua haujlwm ntawm CDE tib leeg vim lawv cov kev pabcuam raug them los ntawm CDE.

COV TXHEEJ TXHEEM KEV HAIS DAWS

34 CFR §300.510

Lub rooj sib tham kev hais daws

Tsis pub dhau 15 hnuv txij hnuv txij hnuv tau txais tsab ntawv ceeb toom txog koj qhov txheej txheem kev tsis txaus siab, thiab ua ntej lub rooj sib hais plaub pib, lub tsev ua hauj lwm tuav tswj yuav tsum tuaj sib ntsib nrog koj thiab cov tswv cuab muaj feem xyuam lossis cov tswv cuab ntawm qhov kev kawm ntawv ib tug zus (IEP) Pab Neeg uas muaj kev paub txog ntawm cov lus qhia tseeb hauv koj qhov txheej txheem kev tsis txaus siab. Lub rooj sib tham:

1. Yuav tsum muaj tus sawv cev ntawm lub tsev ua hauj lwm tuav tswj uas tau muaj cai ua kev txiav txim siab sawv cev ntawm lub tsev ua hauj lwm tuav tswj; **thiab**
2. Tej zaum yuav tsis pub muaj tus kws lij choj ntawm lub tsev ua hauj lwm tuav tswj tshwj tsis yog tias koj muaj tus kws lij choj nrog.

Koj thiab lub tsev ua hauj lwm tuav tswj txiav txim siab cov tub koom xeeb ntawm Pab Neeg IEP tuaj koom lub rooj sib tham.

Lub hom phiaj ntawm lub rooj sib tham yog rau koj los tham txog koj daim ntawv tsis txaus siab, thiab cov lus tseeb uas tsim los ntawm qhov kev tsis txaus siab, kom lub tsev ua hauj lwm tuav tswj muaj lub sijhawm los daws qhov kev tsis sib haum xeeb.

Lub rooj sib tham daws teeb meem tsis tas yuav tsum muaj yog tias:

1. Koj thiab lub tsev ua hauj lwm tuav tswj pom zoo sau ua ntaub ntawv tseg kom zam lub rooj sib tham; **lossis**
2. Koj thiab lub tsev ua hauj lwm tuav tswj pom zoo siv txoj kev kho kom haum xeeb, raws li tau piav qhia nyob rau hauv nqe **Kev Sib Kho Kom Haum Xeeb**.

Lub sijhawm kev hais daws

Yog tias lub tsev ua hauj lwm tuav tswj tsis tau daws qhov kev tsis txaus siab kom haum rau koj siab nyob rau hauv 30 hnuv txij hnuv tau txais tsab ntawv tsis txaus siab (thaum lub sijhawm rau txheej txheem daws teeb meem), lub rooj sib hais plaub yuav tsum tshwm sim.

Lub sijhawm 45 hnuv rau kev txiav txim siab zaum kawg pib tom qab hnuv tas sijhawm ntawm 30-hnuv-ncua kev daws teeb meem, nrog qee qhov kev zam rau kev hloov kho me ntsis rau hauv lub sijhawm 30 hnuv kev daws teeb meem, raws li tau piav qhia hauv qab no.

Tsuas yog tshwj qhov uas koj thiab lub tsev ua hauj lwm tuav tswj tau pom zoo los tshem tawm txoj kev daws teeb meem los yog siv kev kho kom haum xeeb, koj qhov kev tsis tuaj yeem koom tes hauv lub rooj sib tham daws teeb meem yuav qeeb sijhawm rau cov txheej txheem daws teeb meem thiab lub rooj sib hais plaub kom txog thaum koj pom zoo los koom rau hauv lub rooj sib tham.

Daim Ntawv Ceeb Toom Txheej Txheem Kev Tiv Thaix

Hauv Cov Cai ntawm IDEA thiab ECEA

17 Colorado Lub Tsev Saib Xyuas Kev Kawm Ntawv

Tau kho dua tshiab 07/01/11

Yog hais tias tom qab ua txhua yam thiab tau teev tseg cov ntaub ntawv zoo li no cia, lub tsev ua hauj lwm tuav tswj tsis tuaj yeem nrhiav koj txoj kev koom tes hauv lub rooj sib tham daws teeb meem, tom qab lub sij hawm 30 hnuv rau kev daws teeb meem xaus, lub tsev ua hauj lwm tuav tswj yuav thov kom ALJ tso tseg koj qhov txheej txheem kev tsis txaus siab. Cov ntaub ntawv teev ntawm kev ua haujlwm no yuav tsum muaj xws li cov ntaub ntawv teev tseg uas lub tsev ua hauj lwm tuav tswj tau sim los teem caij rau kev pom zoo raws li lub sijhawm thiab qhov chaw, xws li:

1. Teev cov ntsiab lus kev hu xov tooj uas tau hu los yog tau sim thiab cov txiaj ntsig tau txais ntawm cov kev hu xov tooj ntawd;
2. Cov qauv ntawm cov ntawv xa tuaj rau koj thiab txhua cov lus teb tau txais; **thiab**
3. Teev cov ncauj lus ntawm cov kev mus ntsib koj tom tsev uas tau ua lossis qhov chaw ua haujlwm thiab cov txiaj ntsig tau los ntawm cov kev mus ntsib no.

Yog lub tsev ua hauj lwm tuav tswj tsis tuaj yeem tsa lub rooj sib tham daws teeb meem nyob rau hauv 15 hnuv txij hnuv tau txais tsab ntawv ceeb toom txog koj qhov kev tsis txaus siab, **lossis** tsis koom nrog hauv lub rooj sib tham daws teeb meem, koj tuaj yeem thov tus ALJ xaj kom lub sij hawm 45 hnuv ntawm kev sib hais plaub pib txij no mus.

Cov kev hloov kho rau 30-hnuv-ncua sij hawm daws teeb meem

Yog tias koj thiab lub tsev ua hauj lwm tuav tswj sau ntawv pom zoo kom zam lub rooj sib tham daws teeb meem, ces lub sij hawm 45 hnuv rau lub rooj sib hais plaub yuav pib nyob rau hnuv tom ntej mus.

Tom qab pib kev kho kom haum xeeb lossis lub rooj sib tham daws teeb meem thiab ua ntej hnuv kawg ntawm 30-hnuv-ncua kev daws teeb meem, yog tias koj thiab lub tsev ua hauj lwm tuav tswj tau ua ntawv pom zoo tias tsis muaj kev pom zoo yuav mus tau, lub sij hawm 45 hnuv rau lub rooj sib hais plaub yuav pib nyob rau hnuv tom ntej mus.

Yog tias koj thiab lub tsev ua hauj lwm tuav tswj pom zoo siv txoj kev kho kom haum xeeb, thaum kawg ntawm 30-hnuv-ncua kev daws teeb meem, ob tog neeg tuaj yeem sau ntawv pom zoo los ua qhov kev kho kom haum xeeb txuas ntxiv mus kom txog rau thaum pom zoo. Txawm li cas los xij, yog tias koj los yog lub tsev ua hauj lwm tuav tswj rho tawm ntawm txoj kev kho kom haum xeeb, ces lub sij hawm 45 hnuv rau lub rooj sib hais plaub yuav pib nyob rau hnuv tom ntej mus.

Daim ntawv cog lus pom zoo

Yog tias qhov kev daws teeb meem tsis sib haum xeeb raug pom hauv lub rooj sib tham daws teeb meem, koj thiab lub tsev ua hauj lwm tuav tswj yuav tsum ua daim ntawv cog lus pom zoo raws txoj cai lij choj uas yog:

1. Kos npe los ntawm koj thiab ib tug neeg sawv cev ntawm lub tsev ua hauj lwm tuav tswj uas muaj cai los sawv cev rau lub tsev ua hauj lwm tuav tswj; **thiab**
2. Tswj tau nyob rau hauv Lub Xeev txhua lub tsev hais plaub muaj cai tau txais kev txiav txim (ib lub tsev hais plaub hauv Xeev uas muaj cai raws li los hais plaub qhov teeb meem no) lossis hauv lub tsev hais plaub hauv nroog hauv lub Tebchaws Asmeskas.

Lub sijhawm rau rov xyuas daim ntawv pom zoo

Yog tias koj thiab lub tsev ua hauj lwm tuav tswj tau ua qhov kev pom zoo los ntawm lub rooj sib tham daws teeb meem, tog twg los tau (koj los yog lub tsev ua hauj lwm tuav tswj) muaj peev xwm thim qhov kev pom zoo tsis pub dhau peb hnuv ua haujlwm suav txij lub sij hawm uas koj thiab lub tsev ua hauj lwm tuav tswj tau kos npe rau daim ntawv cog lus pom zoo.

LUB ROOJ SIB HAIS PLAUB TXHEEJ TXHEEM KEV TSIS TXAUS SIAB

COV TXHEEJ TXHEEM KEV HAIS PLAUB KEV NCAJ NCEES

34 CFR §300.511

Diam ntawv qhia dav dav

Thaum twg los xij uas daim ntawv txheej txheem tsis txaus siab tau raug ua, koj los yog lub tsev ua hauj lwm tuav tswj uas tau muaj feem xyuam hauv txoj kev tsis sib haum no yuav tsum muaj lub sijhawm rau lub rooj sib hais kev ncaj ncees, raws li tau piav rau hauv **Txheej Txheem Kev Tsis Txaus Siab** thiab **tshooj Txheej Txheem Kev Hais Daws**.

Lub koom haum uas ua lub luag haujlwm khiav lub rooj sib hais plaub.

Lub rooj sib hais uas tau piav qhia hauv npe lus no yuav tsum yog ua los ntawm Colorado Department of Education (CDE) uas yog siv tus kws txiav txim plaub ntug uas tau hloov los ua haujlwm rau.

Administrative law judge (ALJ) (Tus Kws Txiav Txim Plaub Ntug)

Tsawg kawg nkaus, tus ALJ:

1. Yuav tsum tsis yog tus neeg ua haujlwm ntawm CDE lossis lub tsev ua hauj lwm tuav tswj uas muaj feem xyuam nrog hauv kev kawm lossis kev tu ntawm tus menyuam;
2. Yuav tsum tsis txhob muaj tus kheej li kev txaus siab los yog kev ua haujlwm uas cuam tshuam nrog tus ALJ qhov kev pom zoo hauv lub rooj sib hais;
3. Yuav tsum muaj kev paub thiab nkag siab txog cov cai ntawm IDEA, thiab Tsoom Fwv thiab Lub Xeev cov cai tswjfwam txog ntawm IDEA, thiab kev txhais kev cai lij choj ntawm IDEA los ntawm Tsoom Fwv thiab Lub Xeev cov tsev hais plaub; **thiab**
4. Yuav tsum muaj kev txawj ntse thiab kev muaj peev xwm los mus hais kev ncaj ncees, thiab los tsim thiab sau cov kev txiav txim siab, raws li qhov tsim nyog, hauv tus qauv kev cai lij choj.

Lub CDE yuav tsum khaws cov npe ntawm cov neeg uas ua haujlwm raws li yog tus ALJ uas suav nrog cov lus qhia txog cov kev tsim nyog ntawm txhua tus ALJ.

Qhov teeb meem lub rooj sib hais plaub

Tog neeg (koj los yog lub tsev ua hauj lwm tuav tswj) uas thov txheej txheem lub rooj sib hais plaub yuav tsis tsa cov teeb meem nyob rau hauv txheej txheem lub rooj sib hais plaub uas tsis tau hais txog nyob rau hauv qhov kev tsis txaus siab, tshwj tsis yog ib tog neeg tau pom zoo nrog.

Lub sijhawm rau kev thov lub rooj sib hais

Koj los yog lub tsev ua hauj lwm tuav tswj yuav tsum tau thov kom muaj lub rooj sib hais kev ncaj ncees rau ntawm qhov txheej txheem kev tsis txaus siab tsis pub dhau ob lub xyoos txij hnuv koj los yog lub tsev ua hauj lwm tuav tswj tau paub los yog yuav tsum paub txog qhov teeb meem tau hais hauv qhov kev tsis txaus siab.

Cov kev zam rau lub sijhawm

Lub sijhawm teev saum toj no tsis raug rau koj yog tias koj tsis tuaj yeem ua tsab ntawv tsis txaus siab vim hais tias:

1. Lub tsev ua hauj lwm tuav tswj tau dag tias nws tau daws cov teeb meem uas koj tab tom iab liam hauv koj daim ntawv tsis txaus siab; **lossis**

2. Lub tsev ua hauj lwm tuav tswj tau tuav tseg cov lus qhia los ntawm koj tias nws raug samfwm los muab rau koj raws li Tshooj B ntawm IDEA.

COV CAI KEV HAIS PLAUB

34 CFR §300.512

Diam ntawv qhia dav dav

Koj muaj cai sawv cev rau koj tus kheej nyob rau hauv lub rooj sib hais plaub. Txhua tog neeg hauv lub rooj sib hais plaub (nrog rau lub rooj sib tham hais txog txheej txheem kev qhuab qhia) los yog qhov kev thov rov txiav txim dua, raws li tau hais tseg hauv qab ntawm nqe lus **Kev thov rov txiav txim dua ntawm qhov kev txiav txim siab; rov ntsuam xyuas kev ncaj ncees** muaj txoj cai rau:

1. Tau ua hauj lwm nrog thiab tawm tswv yim los ntawm ib tus kws lij choj thiab/lossis cov neeg muaj kev txawj ntse lossis kev cob qhia txog cov teeb meem ntawm cov menyuum uas muaj kev xiam oob qhab, tshwj tsis yog hauv Colorado, tsuas yog tus kws lij choj uas muaj ntawv tso cai los ntawm Colorado Lub Tsev Hais Plaub Ntug Saib Tshaj Plaws thiaj tuaj yeem *sawv cev rau* ib tog neeg hauv lub rooj sib hais plaub;
2. Qhia qhov pov thawj thiab ntsib tim ntsej tim muag, kuaj xyuas, thiab yuam tsum muaj cov neeg tim khawv koom nrog;
3. Txwv tsis pub qhia txog cov pov thawj ntawm lub rooj sib hais ntawd tsis tau qhia tawm rau lwm tog neeg yam tsawg kawg tsib hnuv ua haujlwm ua ntej txog lub rooj sib hais;
4. Tau txais ib daim ntawv teev txog lub rooj sib hais ua ntaub ntawv, lossis, hauv tshuab hluav taws xob nyob ntawm koj xaiv; **thiab**
5. Tau txais ib daim ntawv teev txog qhov kev tshawb pom hauv qhov tseeb thiab cov kev txiav txim siab sau ua ntaub ntawv, lossis, hauv tshuab hluav taws xob nyob ntawm koj xaiv.

Lwm cov ntaub ntawv nthuav tawm

Tsawg kawg tsib hnuv ua hauj lwm ua ntej lub rooj sib hais plaub, koj thiab lub tsev ua hauj lwm tuav tswj yuav tsum qhia tawm rau ob tog paub txhua qhov kev ntsuam xyuas uas ua tiav nyob rau hnuv ntawd thiab cov tswv yim raws li cov kev ntsuam xyuas ntawd uas koj los yog lub tsev ua hauj lwm tuav tswj npaj siab yuav siv rau hauv lub rooj sib hais plaub.

Tej zaum tus ALJ tuaj yeem cuam tshuam ib tog twg uas tsis ua raws li qhov yuav tsum tau los ntawm kev qhia qhov kev luj xyuas lossis kev pom zoo uas ntsig txog nyob rau hauv lub rooj sib hais yam tsis tau kev tso cai los ntawm lwm tog neeg.

Niam txiv cov cai thaum lub rooj sib hais

Koj yuav tsum tau muab txoj cai rau:

1. Kom koj tus menyuum uas yog lub ntsiab lus tuaj rau hauv lub rooj sib hais;
2. Qhib lub rooj sib hais rau pej xeem paub; **thiab**
3. Kom muab cov ntaub ntawv ntawm lub rooj sib hais, cov kev tshawb tau los ntawm qhov tseeb thiab cov kev txiav txim siab rau koj dawb yam tsis tau them nqi dab tsi.

COV KEV TXIAV TXIM SIAB HAUV LUB ROOJ SIB HAIS

34 CFR §300.513

Kev txiav txim siab ntawm Tus Kws Txiav Txim Plaub Ntug (ALJ)

Tus ALJ qhov kev txiav txim siab txog koj tus menyuum tau txais ib qho kev kawm dawb yam tsim nyob los ntawm tsoom fwv (FAPE) yuav tsum tau ua raws li qhov muaj nuj nqis.

Hauv cov teeb meem iab liam txog kev ua txhaum cai, ttej zaum tus ALJ yuav tshawb pom tias koj tus menyuum tsis tau txais ib qho kev kawm dawb yam tsim nyob los ntawm tsoom fwv (FAPE) tsuas yog tias tus txheej txheem tsis muaj txaus:

1. Cuam tshuam nrog koj tus menyuum txoj cai rau FAPE;

2. Muaj kev cuam tshuam nrog koj lub sijhawm los koom nrog txoj kev txiav txim siab hais txog ntawm FAPE rau koj tus menyuam; **los yog**
3. Ua rau muaj kev tshem tawm ntawm txoj kev kawm ntawv.

Tsis muaj ib qho twg uas tau hais los saum toj saud tuaj yeem muab txhais kom tiv thaiv ib tus ALJ los ntawm kev txiav txim rau lub tsev ua hauj lwm tuav tswj kom ua raws li cov lus samfwm hauv cov txheej txheem kev tiv thaiv ntawm Tsoom Fwv txoj cai lij choj raws li Tshooj B ntawm IDEA (34 CFR §§300.500 txog 300.536).

Cais tsab ntawv thov rau txheej txheem lub rooj sib hais plaub

Tsis muaj dab tsi nyob rau hauv qhov txheej txheem kev tiv thaiv ntawm Tsoom Fwv cov cai raws li Tshooj B ntawm IDEA (34 CFR §§300.500 txog 300.536) tuaj yeem txhais tau tias kom koj tsis txhob ua ntaub ntawv tus txheej txheem tsis txaus siab ntawm ib qho teeb meem kev sib faib los ntawm nyias muaj nyias ib qho kev tsis txaus siab uas twb tau ua tiav lawm.

Cov kev tshawb tau thiab kev txiav txim siab rau Lub Xeev pawg neeg pab tswv yim kev kawm tshwj xeeb thiab pej xeeb sawv daws

Lub CDE tom qab muab tej ntaub ntawv qhia txog tus kheej tshem tawm lawm yuav tsum:

1. Muab cov kev tshawb tau thiab kev txiav txim siab rau Lub Xeev pawg neeg pab tswv yim kev kawm tshwj xeeb; **thiab**
2. Ua kom cov kev tshawb pom thiab kev txiav txim siab ntawv muaj rau pej xeeb paub txog.

QHOV KEV TXIAV TXIM KAWG NKAUS

34 CFR §300.514

Qhov kev txiav txim kawg ntawm lub rooj sib hais

Qhov kev txiav txim siab ua hauv lub rooj sib hais plaub (nrog rau lub rooj sib hais txog kev qhuab qhia) yog qhov kawg, tshwj tsis yog tias ib tog neeg (koj los yog lub tsev ua hauj lwm tuav tswj) uas tau koom tes hauv lub rooj sib hais tau thov rov hais dua txog qhov kev txiav txim los ntawm kev ua ib qho kev hais pej xeeb txoj cai, raws li tau piav hauv qab nqe lus: **Cov Kev Txiaiv Txim Cai Pej Xeeb, Nrog rau Lub Sij Hawm Ua Ntawv Rau Cov Kev Txiaiv Txim Ntawd.**

COV SIJ HAWM THIAB KEV YOOJ YIM NTAWM KEV HAIS PLAUB

34 CFR §300.515

Lub tsev ua hauj lwm tuav tswj yuav tsum xyuas kom tsis pub dhau 45 hnuv tom qab lub sij hawm tas sij hawm ncuu sij hawm 30 hnuv rau rooj sib tham daws teeb meem los yog, raws li piav qhia nyob rau hauv nqe me **Cov kev hloov kho rau 30-hnuv-ncuu sij hawm daws teeb meem**, tsis pub dhau 45 hnuv tom qab tas sij hawm ntawm lub sij hawm hloov kho:

1. Qhov kev txiav txim siab zaum kawg tau ua tiav hauv lub rooj sib hais; thiab
2. Ib daim qauv ntawm qhov kev txiav txim siab tau raug xa tuaj rau koj thiab lub tsev ua hauj lwm tuav tswj.

Lub rooj sib hais uas cuam tshuam txog kev sib cav ncauj lus yuav tsum tau ua raws lub sijhawm thiab qhov chaw uas muaj kev yooj yim rau koj thiab koj tus menyuam.

COV KEV TXIAV TXIM CAI PEJ XEEM, NROG RAU LUB SIJ HAWM UA NTAWV RAU COV KEV TXIAV TXIM NTAWD

34 CFR §300.516

Diam ntawv qhia dav dav

Ib tog twg (koj los yog lub tsev ua hauj lwm tuav tswj) uas tsis pom zoo nrog tus ALJ cov kev tshawb pom thiab kev txiav txim siab hauv lub rooj sib hais plaub (suav nrog rau lub rooj sib hais sai txog txheej txheem kev qhuab qhia) muaj txoj cai coj tus txheej txheem mus hais plaub pej xeem txoj cai nrog rau qhov teeb meem uas yog qhov kev sib tham ntawm lub rooj sib hais plaub. Tej zaum qhov kev txiav txim yuav raug coj mus rau hauv Lub Xeev txhua lub tsev hais plaub muaj cai tau txais kev txiav txim (ib lub tsev hais plaub hauv Xeev uas muaj cai raws li los hais plaub qhov teeb meem no) lossis hauv lub tsev hais plaub hauv nroog hauv lub Tebchaws Asmeskas.

Lub sijhawm txwv

Tog twg los xij uas tau ua daim ntawv tsis txaus siab qub (koj los yog lub tsev ua hauj lwm tuav tswj) los yog tog neeg teb rau qhov kev tsis txaus siab yuav tsum muaj sij hawm 90 hnub ntawm hnub txij hnub ALJ qhov kev txiav txim siab los ua ib daim ntawv hais pej xeem txoj cai.

Cov txheej txheem ntxiv

Nyob rau hauv cov kev txiav txim raws peji xeem txoj cai, lub tsev hais plaub:

1. Txais cov ntaub ntawv ntawm kev hais plaub ntug;
2. Mloog cov pov thawj ntxiv ntawm koj qhov kev thov lossis lub tsev ua hauj lwm tuav tswj qhov kev thov; **thiab**
3. Ua nws cov kev txiav txim raws li qhov tseem ceeb ntawm qhov pov thawj, muab kev pab rau lub tsev hais plaub qhov kev txiav txim siab tias tsim nyog.

Kev txiav txim ntawm koog tsev kawm cov tsev hais plaub

Koog tsev kawm ntawv cov tsev hais plaub hauv Tebchaws Asmeskas muaj txoj cai los coj ua raws li Tshooj B ntawm IDEA tsis hais txog qhov tsis txaus siab.

Kev cai kev tsim kho - kev siv tag

Tsis muaj dab tsi nyob hauv Tshooj B ntawm IDEA txwv lossis txwv cov cai, cov txheej txheem, thiab cov kev kho muaj nyob rau hauv Tebchaws Asmeskas cov ntawv lij choj, txoj cai hais txog Neeg Asmeskas Muaj Kev Xiam Oob Qhab xyoo 1990, Nqe V ntawm Txoj Cai Hais Txog Kev Kho Kom Zoo Tau Rov Los Li Qub xyoo 1973 (Nqe 504), lossis Tsoom Fwv lwm cov cai lij choj uas tiv thaiv cov cai ntawm cov menyuam uas xiam oob qhab, tshwj tsis yog tias ua ntej kev ua ntawv foob hauv txoj cai pej xeem raws li cov kev cai lij choj xav nrhiav kev pab uas muaj nyob hauv Tshooj B ntawm IDEA, cov txheej txheem hais plaub uas tau piav saum toj saud yuav tsum raug tso rau tib qhov uas yuav tsum tau ua yog tias tog neeg ntawd tau ua ntawv foob raws li Tshooj B ntawm IDEA. Qhov no txhais tau tias koj yuav muaj kev pab muaj raws li lwm cov cai uas sib tshooj nrog cov uas muaj raws li hauv IDEA, feem ntau, ua ntej foob pej xeem txoj cai hauv tsev hais plaub kom tau txais kev pab raws li lwm cov cai, koj yuav tsum xub siv cov kev pabcuam tswj xyuas uas muaj nyob rau hauv IDEA (xws li, qhov txheej txheem kev tsis txaus siab, rooj sib tham daws teeb meem, thiab cov txheej txheem sib hais plaub kev ncaj ncees).

COV NQI KWS LIJ CHOJ

34 CFR §300.517

Diam ntawv qhia dav dav

Nyob rau hauv txhua qhov kev txiav txim lossis kev coj ua raws li Tshooj B ntawm IDEA, yog tias koj yeej (yeej), lub tsev hais plaub, hauv nws qhov kev pom zoo, tej zaum yuav tau them tus kws lij choj cov nqi them raws li ib feem ntawm cov nqi rau koj.

Nyob rau hauv txhua qhov kev ua lossis cov txheej txheem raws li Tshooj B ntawm IDEA, lub tsev hais plaub (xws li Lub Xeev lossis lub nroog lub tsev hais plaub), hauv nws qhov kev pom zoo, tej zaum yuav tau them tus kws lij choj cov nqi them raws li ib feem ntawm cov nuj nqis mus rau ib Lub Koom Haum Qhia Ntawv hauv Lub Xeev lossis lub tsev ua hauj lwm tuav tswj, kom koj tus kws lij choj them, yog tias tus kws lij choj: (a) ua tsab ntawv tsis txaus siab los yog rooj plaub ntug uas lub tsev hais plaub pom tau hais tias tsis tseem ceeb, tsis tsim nyog, lossis tsis muaj lub hauv paus; los yog (b) sib hais txuas ntxiv mus tom qab qhov kev hais plaub tau qhia meej meej tias tsis tseem ceeb, tsis tsim nyog, lossis tsis muaj lub hauv paus; **los sis**

Nyob rau hauv txhua qhov kev ua lossis cov txheej txheem raws li Tshooj B ntawm IDEA, lub tsev hais plaub (xws li Lub Xeev lossis lub nroog lub tsev hais plaub), hauv nws qhov kev pom zoo, tej zaum yuav tau them tus kws lij choj cov nqi them raws li ib feem ntawm cov nuj nqis mus rau ib Lub Koom Haum Qhia Ntawv hauv Lub Xeev lossis lub tsev ua hauj lwm tuav tswj, kom koj tus kws lij choj them, yog tias koj qhov kev thov rau lub rooj sib hais plaub lossis rau pej xeem txoj cai tom qab tau tshwm sim rau tej yam tsis raug cai, xws li ua phem, ua rau ncuaj sij hawm yam tsis tsim nyog, lossis qhov nce cov nqi ntawm kev hais plaub uas tsis tsim nyog.

Cov nqi puav pheej

Lub tsev hais plaub them nyiaj yam tsim nyog rau tus kws lij choj raws li hauv qab no:

1. Cov nqi them yuav tsum ua raws li cov nqi them hauv lub zej zog nyob rau hauv uas qhov kev txiav txim los yog lub rooj sib hais tau tshwm sim rau hom thiab qhov zoo ntawm kev pabcuam. Tsis pub siv tus nqi ntxiv los yog siv ntau tus nqi ntxiv hauv kev xam cov nqi them.
2. Tej zaum yuav tsis them cov nqi kws lij choj thiab cov nqi ntsig txog yuav tsis raug them rov qab rau hauv txhua qhov kev txiav txim lossis kev nplua raws li Tshooj B ntawm IDEA rau cov kev pabcuam tau ua tom qab tau txais cov lus sib hais haum tau raug ua rau koj yog tias:
 - a. Qhov kev thov yog ua nyob rau hauv lub sij hawm sau tseg los ntawm Txoj Cai 68 ntawm Tsoom Fwv Teb Chaws Cov Cai Tswj ntawm Cov Txheej Txheem Cai Pej Xeem los yog, nyob rau hauv rooj plaub sib hais, lub sijhawm twg los tau ntau tshaj 10 hnuv ua ntej pib qhov kev sib hais;
 - b. Qhov kev muab no tsis raug lees txais nyob rau hauv 10 hnuv; **thiab**
 - c. Lub tsev hais plaub lossis tus ALJ pom tias qhov pab kawg tau txais los ntawm koj tsis yog txiaj ntsig rau koj ntau dua qhov kev sib hais haum.

Txawm tias muaj cov kev txwv no, tus nqi ntawm cov kws lij choj thiab cov nqi ntsig txog yuav raug ua rau koj yog tias koj yeej thiab koj yeej muaj qhov tsis txaus siab tsis lees paub qhov kev sib hais haum.

3. Tej zaum cov nqi them yuav tsis ntsig txog rau ib qho kev sib tham ntawm txoj kev kawm ntawv ib tug zus (IEP) Pab Neeg tshwj tsis yog lub rooj sib tham raws li ib qho kev tshwm sim ntawm kev hais plaub lossis lub tsev hais plaub qhov kev nqis tes ua. Tej zaum cov nqi yuav tsis raug them rau qhov kev kho kom haum xeeb raws li tau piav qhia hauv qab hau nqe lus **Kev Kho Kom Haum Xeeb**.

Lub rooj sib tham daws teeb meem, raws li tau piav qhia nyob rau hauv nqe **Txheej Txheem Kev Hais Daws**, tsis tau muab suav hais tias yog lub rooj sib tham uas tau tshwm sim los ntawm kev sib hais plaub lossis kev txiav txim plaub ntug, thiab tseem tsis tau suav tias yog lub rooj sib hais tswj hwm lossis kev txiav txim plaub ntug rau lub hom phiaj ntawm cov kws lij choj cov nqi no.

Lub tsev hais plaub txo, raws li qhov tsim nyog, tus nqi ntawm tus kws lij choj cov nqi tau txais nyob hauv Tshooj B ntawm IDEA, yog tias lub tsev hais plaub pom tias:

1. Koj, los yog koj tus kws lij choj, thaum lub sij hawm ntawm qhov kev nqis tes ua los yog txheej txheem, muaj kev ua kom qeeb qhov kev daws teeb meem zaum kawg yam tsis tsim nyog;
2. Tus nqi ntawm cov kws lij choj tshwj tsis yog tias tau tso cai kom tau txais kev them nyiaj siab tshaj qhov them raws teev hauv lub zej zog rau cov kev pab zoo sib xws los ntawm kws lij choj ntawm kev ua haujlwm zoo sib xws, lub koob npe nrov, thiab kev paub;
3. Lub sijhawm siv thiab kev pabcuam raug cai tau tshaj qhov xam tias yog xwm txheej ntawm kev nqis tes ua lossis kev sib hais plaub; **los yog**

4. Koj tus kws lij choj sawv cev rau koj tsis muab cov lus qhia tsim nyog rau lub tsev ua hauj lwm tuav tswj nyob rau hauv cov txheej txheem ua hauj lwm yuav tsum tau ntawv ceeb toom raws li tau piav qhia nyob rau hauv nqe **Txheej Txheem Kev Tsis Txaus Siab**.

Tiam sis, lub tsev hais plaub yuav tsis txo nqi yog tias lub tsev hais plaub pom tias Lub Xeev lossis lub tsev ua hauj lwm tuav tswj tsis tuaj yeem ncuu lub sijhawm kawg ntawm qhov kev txiav txim lossis kev coj txheej xwm lossis tau ua txhaum cai raws li txheej txheem kev tiv thaiv cov cai ntawm Tshooj B ntawm IDEA.

TUS NEEG MUAJ CAI NTAWM TSEV KAWM NTAWV

34 CFR §300.530

Kev txiav txim plaub ntug ib rooj zuj zus

Cov neeg ua hauj lwm hauv tsev kawm ntawv yuav xav txog cov xwm txheej tshwj xeeb nyob rau ib qho xwm txheej raws li ib qho teeb meem zuj zus, thaum txiav txim siab seb qhov kev hloov chaw nyob, puas yuav tau ua raws li cov cai hauv qab no hais txog kev qhuab qhia, yog tsim nyog rau tus me nyuam muaj qhov tsis taus uas ua txhaum lub tsev kawm ntawv cov cai ntawm tus tub kawm ntawv kev coj tseem ceeb.

Diam ntawv qhia dav dav

Txog qhov tias lawv kuj ua qhov kev nqis tes ntawd rau cov menyuam yaus tsis muaj qhov tsis taus, tsev kawm ntawv cov neeg ua haujlwm yuav, tsis pub ntau tshaj li ntawm 10 hnuv kawm ntawv sib law liag, tshem tawm tus me nyuam muaj qhov xiam oob qhab uas ua txhaum txoj cai ntawm tus tub ntxhais kawm kev coj ua tseem ceeb los ntawm nws qhov kev tso kawm tam sim no mus rau lwm qho chaw kawm tsim nyog (uas yuav tsum tau txais kev txiav txim los ntawm tus menyuam qhov kev kawm ntawv ib tug zus (IEP) Pab Neeg), lwm lub tsev kawm, lossis ncuu kev kawm. Lub tsev kawm ntawv cov neeg ua haujlwm kuj tseem yuav yaum ntxiv kom rho tawm tus menyuam tsis pub ntau tshaj li ntawm **10 hnuv kawm ntawv** ua ke nyob rau tib lub xyoo kawm ntawv rau kev ua txhaum txoj cai sib txawv, tsuas yog cov kev tshem tawm tsis yog hloov chaw kawm ntawv (saib **Hloov ntawm Kev Tso Kawm Vim Kev Tshem Tawm Kev Rau Txim** rau lub ntsiab lus, hauv qab no).

Thaum tus menyuam muaj qhov xiam oob qhab raug tshem tawm los ntawm nws qhov kev tso kawm tam sim no nyob rau hauv tag nrho **10 hnuv kawm ntawv** hauv tib lub xyoo kawm ntawv, lub tsev ua hauj lwm tuav tswj yuav tsum, thaum lub caij cov hnuv tom qab ntawm kev tshem tawm hauv xyoo kawm ntawv, muab kev pabcuam raws li qhov yuav tsum tau muaj hauv qab no nyob rau hauv nqe me **Cov Kev Pab Cuam**.

Tus neeg muaj cai ntxiv

Yog hais tias tus cwj pwm uas ua txhaum tus me nyuam kawm ntawv cov cai ntawm kev coj tsis yog qhov kev tshwm sim ntawm tus me nyuam qhov kev tsis taus (saib **qhov kev txiav txim siab qhov kev Tshwm Sim**, hauv qab no) thiab kev hloov kev qhuab qhia ntawm qhov kev tso kawm yuav ntau dua **10 hnuv kawm ntawv** sib law liag, tsev kawm ntawv tus neeg ua haujlwm tau thov kev qhuab qhia rau tus me nyuam ntawd uas muaj kev xiam oob khab thiab rau tib lub sijhawm tib yam li nws xav ua rau cov me nyuam tsis muaj qhov tsis taus, tsuas yog zam qhov tias lub tsev kawm ntawv yuav tsum muab kev pab rau tus menyuam ntawd raws li tau hais tseg hauv qab **Cov Kev Pab Cuam**. Tus me nyuam Pab Neeg IEP txiav txim siab lwm lub tsev kawm lwm rau cov kev pabcuam no.

Cov kev pabcuam

Cov kev pabcuam uas yuav tsum tau muaj rau ib tug me nyuam muaj qhov tsis taus uas tau raug muab tshem tawm los ntawm tus me nyuam qhov kev tso kawm tam sim no tej zaum yuav muaj nyob hauv ib qho chaw kawm ntawv nruab nrab.

Lub tsev ua hauj lwm tuav tswj tsuas yog xav kom muab kev pab rau ib tug me nyuam muaj qhov tsis taus uas tau raug muab tshem tawm los ntawm nws qhov kev tso kawm tam sim no nyob rau **10 hnuv kawm ntawv lossis tsawg dua** nyob rau xyoo ntawd, yog tias nws muab kev pab rau ib tug me nyuam uas tsis muaj kev tsis taus uas tau raug tshem tawm zoo sib xws li no. Nyob rau hauv Colorado, cov menyuam kawm ntawv tsis xiam oob qhab

Daim Ntawv Ceeb Toom Txheej Txheem Kev Tiv Thaiv

Hauv Cov Cai ntawm IDEA thiab ECEA

24 Colorado Lub Tsev Saib Xyuas Kev Kawm Ntawv

Tau kho dua tshiab 07/01/11

uas tau raug tshem tawm lub sij hawm ib ntus feem ntau tsis tau txais cov kev pab nyob rau lub sijhawm raug ncuu. Txawm li cas los xij, txoj cai kev ncuu tawm yuav tsum muab sij hawm rau txhua tus tub ntxhais kawm ntawv los ua cov haujlwm hauv tsev kawm ntawv thaum lub sijhawm rho tawm los ua ib qho kev sib txuas ntawm tus menyuam kawm ntawv mus rau hauv txoj kev kawm tom qab ncuu sijhawm. Nqe 22-33-105(3)(d)(III), C.R.S.

lb tus menyuam muaj qhov xiam oob qhab uas raug tshem tawm ntawm tus me nyuam qhov kev tso kawm tam sim no ntau tshaj **10 hnuv kawm ntawv** yuav tsum:

1. Tseem tau txais kev pabcuam kev kawm mus ntxiv, thiaj li yuav pab kom tus menyuam tuaj koom nrog rau hauv qhov kev kawm dav dav, txawm tias nyob hauv lwm qhov chaw, thiab ua kom nce mus cuag cov hom phiaj uas tau teev tseg hauv tus me nyuam qhov IEP; **thiab**
2. Tau txais, raws li qhov tsim nyog, kev ntsuam xyuas tus cwj pwm coj zoo, thiab kev pabcuam rau kev coj cwj pwm thiab kev kho, uas yog tsim los qhia txog qhov kev coj ua txhaum cai kom nws tsis tshwm sim dua.

Tom qab tus menyuam muaj qhov xiam oob qhab raug tshem tawm ntawm nws qhov kev tso kawm tam sim no txog **10 hnuv kawm ntawv** hauv tib lub xyoo kawm ntawv, thiab **yog tias** qhov kev tshem tawm tam sim no yog rau **10 hnuv kawm ntawv** ua ke los yog tsawg dua **thiab** yog qhov kev tshem tawm tsis hloov chaw kawm (saib cov lus txhais hauv qab no), **tom qab ntawd** tsev kawm ntawv cov neeg ua haujlwm, tawm tswv yim nrog yam tsawg ib tus xibfwb qhia ntawv ntawm tus me nyuam, los mus txiav txim siab txog qhov kev pabcuam twg thiaj li yuav pab tau tus menyuam mus txuas ntxiv rau kev kawm hauv txoj kev kawm dav dav, txawm tias yuav mus kawm nyob rau lwm lub tsev kawm, thiab nce ntxiv qhov kev kawm tau zoo kom tau raws li cov hom phiaj uas tau teev tseg hauv tus menyuam qhov IEP.

Yog qhov kev tshem tawm yog qhov hloov ntawm kev tso kawm (saib qhov lus txhais hauv qab), tus me nyuam Pab Neeg IEP txiav txim seb cov kev pab tsim nyog kom pab tau tus me nyuam mus txuas ntxiv rau hauv qhov kev kawm dav dav, txawm tias nyob hauv lwm qhov chaw, thiab npaj siab mus cuag cov hom phiaj uas tau teev tseg hauv tus menyuam qhov IEP.

Kev txiav txim siab uas tshwm sim

Nyob rau hauv **10 hnuv kawm ntawv** ntawm txhua qhov kev txiav txim siab los hloov qhov kev tso kawm ntawm tus me nyuam nrog kev xiam oob qhab vim yog ua txhaum cai ntawm tus tub-ntxhais kawm ntawv tus cwj pwm coj (tshwj rau kev tshem tawm uas yog rau **10 hnuv kawm ntawv** sib law liag los sis tsawg dua thiab tsis hloov ntawm qhov chaw kawm ntawv), lub tsev ua hauj lwm tuav tswj, koj, thiab cov neeg koom tes ntawm Pab Neeg IEP (raws li tau txiav txim los ntawm koj thiab lub tsev ua hauj lwm tuav tswj) yuav tsum rov xyuas txhua yam ntaub ntawv hauv tus tub kawm ntawv cov ntaub ntawv, nrog rau tus menyuam qhov IEP, txhua tus xibfwb cov kev soj ntsuam, thiab txhua yam ntaub ntawv uas tau muab los ntawm koj los txiav txim:

1. Yog hais tias qhov kev ua yog tshwm sim los ntawm tsis paub, lossis tau muaj feem xyuam ncaj qha thiab tsis ncaj qha los ntawm, tus menyuam qhov kev tsis taus; **los yog**
2. Yog hais tias qhov kev ua yog tshwm sim los ntawm tsis paub uas cuam tshuam ncaj qha rau lub tsev ua hauj lwm tuav tswj qhov tsis ua hauj lwm los mus tsim kho tus menyuam qhov IEP.

Yog tias lub tsev ua hauj lwm tuav tswj, koj, thiab cov neeg koom tes ntawm tus menyuam Pab Neeg IEP txiav txim tias ib qho ntawm cov xwm txheej muaj raws li, qhov kev coj tus cwj pwm yuav tsum raug txiav txim siab tias yog kev tshwm sim ntawm tus me nyuam qhov kev tsis taus.

Yog tias lub tsev ua hauj lwm tuav tswj, koj, thiab cov neeg koom tes ntawm tus menyuam Pab Neeg IEP txiav txim tias qhov kev coj ua yog qhov teebmeem tshwm sim los ntawm lub tsev ua hauj lwm tuav tswj tsis ua raws li IEP, lub tsev ua hauj lwm tuav tswj yuav tsum tau nqis tes ua kiag tam sim ntawd los kho cov teeb meem no.

Kev txiav txim siab tias tus cwj pwm coj yog qhov kev tshwm sim ntawm tus me nyuam qhov kev tsis taus

Yog tias lub tsev ua hauj lwm tuav tswj, koj, thiab cov tub koom xeeb ntawm Pab Neeg IEP txiav txim siab hais tias tus cwj pwm yog ib qho tshwm sim ntawm tus me nyuam qhov kev xiam oob qhab, Pab Neeg IEP yuav tsum:

1. Ua ib qho kev ntsuam xyuas kev ua hauj lwm ntawm tus cwj pwm coj, tshwj tsis yog tias lub tsev ua hauj lwm tuav tswj twb tau ua ib qho kev ntsuam xyuas kev ua hauj lwm ntawm tus cwj pwm coj ua ntej tus cwj pwm uas ua rau nyob rau hauv qhov kev hloov ntawm kev tso chaw tshwm sim, thiab siv txoj kev npaj cuam tshuan kev coj cwj pwm rau tus menyuam; **los yog**

2. Yog tias txoj kev npaj cuam tshuan kev coj cwj pwm twg tau raug tsim muaj, rov ntsuam xyuas qhov kev npaj cuam tshuan kev coj cwj pwm, thiab hloov nws, raws li qhov tsim nyog, los hais txog tus cwj pwm.

Tshwj tsis yog raws li tau piav rau hauv qab nqe lus me ntawm nqe lus **Tej yam tshwj xeeb**, lub tsev ua hauj lwm tuav tswj yuav tsum xa koj tus menyuam rov qab mus rau qhov chaw kawm uas nws tau raug tshem tawm los, tshwj tsis yog koj thiab khoog tsev kawm ntawv pom zoo hloov qhov chaw kawm los ua ib feem ntawm qhov kev hloov kho ntawm txoj kev npaj cuam tshuan kev coj cwj pwm.

Cov xwm txheej tshwj xeeb

Txawm hais tias tsis yog tus cwj pwm yog qhov tshwm sim ntawm koj tus me nyuam qhov kev tsis taus, tsev kawm ntawv cov neeg lis haujlwm yuav tshem tus tub ntxhais kawm mus rau lwm qhov chaw kawm ntawv ib ntus (txiav txim los ntawm tus menyuam Pab Neeg IEP) txog li 45 hnuv kawm ntawv, yog tias koj tus menyuam:

1. Nqa riam phom (saib cov lus txhais hauv qab no) tuaj rau hauv tsev kawm ntawv lossis muaj riam phom nyob tom tsev kawm ntawv, hauv tsev kawm ntawv thaj chaw, lossis hauv tsev kawm ntawv tej kev ua haujlwm nyob rau hauv kev txiav txim ntawm CDE lossis lub tsev ua hauj lwm tuav tswj;
2. Paub tseeb tias muaj lossis siv cov tshuaj txhaum cai (saib cov lus txhais hauv qab no), lossis muag lossis nrhiav muag ntawm cov tshuaj muaj yeas, (saib cov lus txhais hauv qab no), thaum nyob hauv tsev kawm ntawv, hauv tsev kawm ntawv thaj chaw, lossis ntawm ib qho haujlwm hauv tsev kawm ntawv hauv cheeb tsam ntawm CDE lossis ib chav ua hauj lwm tuav tswj; **los sis**
3. Tau ua raug mob rau lwm tus neeg lub cev (saib cov lus txhais hauv qab no) thaum nyob hauv tsev kawm ntawv, hauv tsev kawm ntawv thaj chaw, los sis hauv tsev kawm ntawv muaj kev ua dej num raws li kev txiav txim ntawm CDE lossis lub tsev ua hauj lwm tuav tswj.

Cov ntsiab lus txhais

Tswj yeeb tshuaj txhais tau hais tias yeeb tshuaj lossis lwm yam tshuaj uas raug txheeb xyuas raws li theem I, II, III, IV, lossis V hauv nqe 202(c) ntawm Txoj Cai Tswj Cov Tshuaj Txhaum Cai (21 U.S.C. 812(c)).

Tshuaj txhaum cai txhais tau hais tias cov tshuaj txhaum cai hauv kev tswj kav; tab sis tsis suav nrog kev tswj cov tshuaj uas muaj raws cai li choj lossis siv los ntawm kev saib xyuas ntawm ib tus kws kho mob uas muaj ntawv tso cai los yog muaj raug cai los yog siv los ntawm lwm tus muaj kev tso cai raws li Tsab Cai ntawd los yog raws li lwm cov cai ntawm Tsoom Fwv Teb Chaws txoj cai lij choj.

Kev raug mob loj ntawm lub cev muaj lub ntsiab lus hauv lo lus “raug mob loj ntawm lub cev” hauv qab koog lus (3) ntawm nqe me (h) ntawm nqe 1365 ntawm tshooj 18, ntawm Tebchaws Asmeskas Txoj Cai.

Riam phom muaj lub ntsiab lus rau lo lus “tej riam phom uas muaj kev phom sij heev” raws li koog lus (2) ntawm seem xub thaewj (g) ntawm nqe 930 ntawm txoj cai 18, ntawm Tebchaws Asmeskas Txoj Cai.

Kev ceeb toom

Nyob rau hnuv tim nws ua qhov kev txiav txim siab los ua kom tshem tawm uas yog qhov hloov ntawm kev tso kawm ntawm tus menyuam vim yog ua txhaum ntawm cov cai ntawm tub ntxhais kawm kev coj, lub tsev ua hauj lwm tuav tswj yuav tsum ceeb toom rau koj txog ntawm qhov kev txiav txim siab ntawd, thiab muab tsab ntawv ceeb toom kev tiv thaiv rau koj.

KEV HLOOV NTAWM KEV TSO KAWM VIM KEV TSEM TAWM NTAWM KEV RAU TXIM

34 CFR §300.536

Ib qho kev tshem tawm ntawm tus menyuam muaj kev xiam oob qhab ntawm koj tus me nyuam qhov kev tso kawm tam sim no yog ib qho **kev hloov chaw tso kawm** yog tias:

1. Qhov kev tshem tawm yog rau ntau tshaj 10 hnuv kawm ntawv ua ke; **lossis**
2. Tus me nyuam tau raug sam fwm ntawm kev tshem tawm uas tshwm sim tawm qauv:
 - a. Vim tias cov kev tshem tawm ntau tshaj 10 hnuv kawm ntawv hauv ib xyoo kawm ntawv;

- b. Vim tias koj tus me nyuam tus cwj pwm coj zoo sib xws rau koj tus me nyuam tus cwj pwm nyob hauv cov xwm txheej dhau los uas ua rau hauv muaj cov kev tshem tawm; **thiab**
- c. Vim cov yam ntxiv xws li ntawd xws uas yog qhov ntev ntawm txhua qhov kev tshem tawm, tag nrho cov sij hawm koj tus me nyuam raug muab tshem tawm, thiab qhov sib thooj ntawm kev tshem tawm mus rau lwm tus.

Txawm hais tias tus qauv ntawm kev tshem tawm yog qhov kev hloov ntawm kev tso kawm raug txiav txim siab nyob ib qho zuj zus los ntawm lub tsev ua hauj lwm tuav tswj thiab, yog tias muaj kev nyuab, yuav raug xyuas los ntawm txheej txheem sib hais plaub thiab kev hais plaub ntug.

KEV TXHIAV TXIM NTAWM QHOV CHAW KAWM

34 CFR § 300.531

Qhov kev kawm ntawv ib tug zus (IEP) Pab Neeg yuav tsum tau txiav txim xyuas qhov chaw kawm ntawv kev xaiv rau qhov kev tshem tawm uas yog **hloov ntawm qhov chaw tso kawm** thiab tshem tawm raws li nqe lus **Kev tso cai ntxiv** thiab **Tej yam tshwj xeeb**, saum toj no.

KEV THOV ROV TXIAV TXIM DUA (TXHEEJ TXHEEM LUB ROOJ SIB HAIS SAI)

34 CFR § 300.532

Diam ntawv qhia dav dav

Koj tuaj yeem ua tsab ntawv txheej txheem kev tsis txaus siab (saib nqe lus **Txheej Txheem Kev Tsis Txaus Siab** saum toj saud) thov kom muaj lub rooj sib hais plaub yog tias nws tsis pom zoo nrog:

1. Txhua qhov kev txiav txim siab hais txog kev hloov chaw kawm raws li cov kev cai qhuab qhia no; **los yog**
2. Kev txiav txim siab uas tshwm sim uas tau txiav txim saum toj saud.

Lub tsev ua hauj lwm tuav tswj yuav teev daim ntawv txheej txheem kev tsis txaus siab (saib saum toj no) thov kom muaj lub rooj sib hais plaub yog tias nws ntseeg hais tias tswj qhov kev tso kawm tam sim no ntawm koj tus menyuam feem ntau yuav ua rau raug mob rau tus menyuam lossis rau lwm tus.

Kev tso cai ntawm tus kws tswj hwm txiav txim plaub ntug (ALJ)

lb tus ALJ uas tau raws li cov kev cai uas tau piav tseg hauv qab hau nqe lus **Tus Kws Txiaiv Txim Plaub Ntug** yuav tsum coj lub rooj sib hais plaub thiab ua qhov kev txiav txim. Tus ALJ yuav:

1. Muab koj tus me nyuam muaj kev xiam oob qhab xa rov qab mus rau qhov kev tso kawm qub uas koj tus menyuam raug tshem tawm yog tias tus ALJ pom tias qhov kev tshem tawm yog ua txhaum txoj cai uas tau piav qhia hauv nqe lus **Kev Tso Cai ntawm Lub Tsev Kawm Ntawv cov Neeg Ua Haujlwm**, los sis txiav txim tias koj tus me nyuam tus cwj pwm yog qhov tshwm sim ntawm koj tus me nyuam qhov kev tsis taus; **los sis**
2. Hais kom pauv qhov kev tso kawm ntawm koj tus menyuam muaj kev xiam oob khab mus rau ib qho chaw kawm lwm qhov uas tsim nyog rau tsis pub tshaj 45 hnub kawm ntawv yog tus ALJ txiav txim siab tias tswj qhov kev tso kawm tam sim no ntawm koj tus me nyuam muaj feem ntau ua kom raug mob rau koj tus menyuam lossis rau lwm tus.

Cov txheej txheem sib hais no yuav rov qab ua dua, yog tias lub tsev ua hauj lwm tuav tswj ntseeg tias kev xa koj tus menyuam rov qab mus rau qhov chaw kawm qub yuav ua rau raug mob rau koj tus menyuam lossis rau lwm tus.

Thaum twg koj los yog lub tsev ua hauj lwm tuav tswj ua qhov txheej txheem kev tsis txaus siab txog kev sib hais kom thov kom muaj lub rooj sib hais, yuav tsum muaj lub rooj sib hais plaub uas ua tau raws li cov kev cai tau piav tseg nyob rau hauv cov nqe lus **Lub Txheej Txheem Daws Kev Tsis Txaus Siab thiab Lub Rooj Sib Hais Plaub ntawm Kev Tsis Txaus Siab**, tshwj raws li cov txheej txheem hauv qab no:

1. Lub CDE yuav tsum npaj rau kev sib hais ceev nrooj, uas yuav tsum tshwm sim hauv **20** hnuv kawm ntawv txij hnuv tau ua daim ntawv txheej txheem kev tsis txaus siab thov rau lub rooj sib hais, thiab tus ALJ yuav tsum tau txiav txim siab ua kom tiav nyob rau hauv **10** hnuv kawm ntawv tom qab lub rooj sib hais.
2. Tshwj tsis yog tias koj thiab lub tsev ua hauj lwm tuav tswj pom zoo sau ntawv kom zam lub rooj sib tham, lossis pom zoo siv txoj kev kho kom haum xeeb, lub rooj sib tham daws teeb meem yuav tsum tshwm sim hauv **xya** hnuv txij hnuv tau txais lus ceeb toom ntawm txheej txheem kev tsis txaus siab. Lub rooj sib hais yuav pib shwj tsis yog qhov teeb meem tau raug daws rau qhov txaus siab ntawm ob tog nyob rau hauv **15** hnuv ntawm hnuv tau txais tsab ntawv tsis txaus siab.
3. Ib Lub Xeev yuav tsim muaj ntau cov txheej txheem cai rau cov rooj sib hais ceev nrooj dua li nws tau tsim muaj rau lwm lub rooj sib hais plaub, tiam sis tsis suav cov sijhawm, cov cai tswj yuav tsum ua raws li cov cai hauv daim ntawv no hais txog kev sib hais plaub.

Ib tog neeg tuaj yeem thov rov txiav txim dua tus ALJ qhov kev txiav txim siab hauv lub rooj sib hais plaub ceev nrooj tib yam li lawv tau ua nyob rau lwm lub rooj sib hais plaub (saib **Cov Kev Thov Rov Txiaiv Txim Dua**, saum toj no).

KEV HLOOV CHAW KAWM THAUM LUB SIJ HAWM COV KEV THOV ROV TXIAIV TXIM DUA

34 CFR §300.533

Thaum koj los yog lub tsev ua hauj lwm tuav tswj tau ua tsab ntawv txheej txheem kev tsis txaus siab muaj feem rau kev qhuab qhia raws li tau hais los saum no, koj tus nyuam yuav tsum (tshwj tsis yog tias koj los yog lub tsev ua hauj lwm tuav tswj pom zoo lwm yam) nyob twj ywm hauv lub chaw kawm kev xaiv tos qhov kev txiav txim siab ntawm tus ALJ, lossis txog rau thaum lub sijhawm tag ntawm ncuu lub sijhawm kev tshem tawm raws li tau npaj tseg thiab tau piav qhia nyob rau hauv nqe lus **Kev Tso Cai ntawm Lub Tsev Kawm Ntawv Cov Neeg Ua Hauj Lwm**, seb qhov twg tshwm sim ua ntej.

COV KEV TIV THAIV RAU COV ME NYUAM YAUS UAS TSIS TAU TSIM NYOG RAU KEV KAWM NTAWV TSHWJ XEEB THIAB COV KEV PAB CUAM NTSIG TXOG

34 CFR §300.534

Diam ntawv qhia dav dav

Yog tias koj tus me nyuam tsis tau raug txiav txim tau rau kev kawm tshwj xeeb thiab cov kev pabcuam ntsig txog thiab ua txhaum txoj cai ntawm tub kawm txoj kev ua, tab sis lub tsev ua hauj lwm tuav tswj muaj kev paub (raws li txiav txim hauv qab no) ua ntej tus cwj pwm uas ua rau muaj kev qhuab qhia, tias koj tus me nyuam yog me nyuam muaj qhov tsis taus, ces koj tus me nyuam muaj cuab kav hais tau ib qho kev tiv thaiv uas tau piav rau hauv daim ntawv ceeb toom no.

Kev paub tseem ceeb txog cov teeb meem kev rau txim

Lub tsev ua hauj lwm tuav tswj yuav tsum tau pom zoo kom paub tias koj tus nyuam yog tus nyuam muaj kev xiam oob qhab yog tias, *ua ntej* tus cwj pwm uas tau ua rau raug lub txim qhuab qhia tau tshwm sim:

1. Koj tau sau ntawv hais txog kev txhawj xeeb mus rau tus saib xyuas lossis thawj coj ntawm lub koom haum kev kawm ntawv uas tsim nyog, los yog rau koj tus nyuam tus xib fwb tias koj tus me nyuam xav tau kev kawm tshwj xeeb thiab lwm yam kev pab cuam ntsig txog;
2. Koj tau thov kev ntsuam xyuas txog rau kev tsim nyog rau kev kawm tshwj xeeb thiab cov kev pabcuam cuam tshuam raws li Tshooj B ntawm IDEA; **los yog**
3. Koj tus nyuam tus xib fwb, lossis lwm tus neeg ua haujlwm tuav tswj hauv tsev kawm ntawv tau qhiav tawm kev txhawj xeeb tshwj xeeb txog qee tus qauv ntawm tus cwj pwm coj los ntawm koj tus nyuam ncaj qha mus rau tus thawj coj ntawm kev kawm tshwj xeeb lossis lwm tus neeg saib xyuas hauv lub tsev ua hauj lwm tuav tswj.

Kev zam

Lub tsev ua hauj lwm tuav tswj yuav tsis raug xav tias muaj qhov kev paub ntawd yog tias:

1. Koj tsis tau tso cai rau ua ib qho kev luj xyuas ntawm koj tus menyuum lossis koj tsis kam txais cov kev pabcuam kev kawm tshwjxeeb; **los sis**
2. Koj tus menyuum tau raug ntsuam xyuas thiab txiav txim siab tsis yog menyuum uas muaj kev tsis taus raws li Tshooj B ntawm IDEA.

Cov xwm txheej uas siv tau yog tias tsis muaj kev paub txog tseem ceeb

Yog hais tias ua ntej kev qhuab qhia tawm tsam rau koj tus menyuum, lub tsev ua hauj lwm tuav tswj tsis paub txog tias tus menyuum yog menyuum muaj kev xiam oob qhab, raws li tau hais los saum toj saud hauv nqe lus me **Lub hauv paus kev paub rau cov teeb meem kev qhuab qhia** thiab **Tsuas tsis yog tias**, koj tus menyuum yuav nce rau qhov kev ntsuas kev qhuab qhia uas tau siv rau cov menyuum uas tsis muaj kev xiam oob qhab uas koom nrog rau hauv cov cwj pwm koj zoo ib yam.

Txawm li cas los xij, yog muaj qhov kev thov rau kev ntsuam xyuas ntawm koj tus menyuum thaum lub sijhawm ntawd uas koj tus me nyuam raug rau kev qhuab qhia, qhov kev luj xyuas yuav tsum tau ua raws li kev ceev nrooj.

Ua ntej qhov kev ntsuam xyuas tiav, koj tus me nyuam tseem nyob hauv qhov chaw kawm ntawv tau txiav txim siab los ntawm tsev kawm ntawv cov thawj coj, uas tuaj yeem muaj kev ncu lossis raug ncuaws tawm yam tsis muaj kev pabcuam kev kawm.

Yog tias koj tus me nyuam raug txiav txim siab ua tus me nyuam muaj qhov tsis taus, xav txog cov lus qhia los ntawm kev ntsuam xyuas ua los ntawm lub tsev ua hauj lwm tuav tswj, thiab cov lus qhia los ntawm koj, lub tsev ua hauj lwm tuav tswj yuav tsum muaj kev kawm tshwj xeeb thiab cov kev pabcuam ntsig txog raws li Tshooj B ntawm IDEA, nrog rau kev qhuab qhia raws li tau piav saum toj no.

KEV XA MUS RAU THIAB KEV TXIAV TXIM LOS NTAWM LUB CHAW HAUJ LWM SAIB XYUAS CAI LIJ CHOJ THIAB COV THAWJ TXIAV TXIM PLAUB NTUG

34 CFR §300.535

Tshooj B ntawm IDEA yuav tsis:

1. Txwv tsis pub ib lub koom haum los ntawm kev tshaj tawm ib txoj kev ua txhaum los ntawm tus me nyuam muaj qhov tsis taus rau cov tub ceev xwm tsim nyog; **los yog**
2. Tiv thaiv txoj Lub Xeev tus tub ceev xwm thiab cov kws hais plaub ntug tau kev tso cai los ntawm kev siv lawv lub luag haujlwm raws li daim ntawv thov ntawm Tsoom Fwv thiab Lub Xeev txoj cai lij choj rau kev ua txhaum los ntawm tus me nyuam muaj qhov tsis taus.

Kev xa ntawm cov ntaub ntawv

Yog tias lub tsev ua hauj lwm tuav tswj ceeb toom ib qho kev ua txhaum los ntawm tus menyuum uas xiam oos qhab, lub tsev ua hauj lwm tuav tswj:

1. Yuav tsum xyuas kom mee tias cov ntawv luam ntawm tus menyuum qhov kev kawm tshwj xeeb thiab cov ntaub ntawv qhuab qhia raug xa mus rau kev saib xyuas los ntawm cov tub ceev xwm uas lub koom haum qhia txog qhov kev ua txhaum rau lawv; **thiab**
2. Tej zaum yuav xa cov ntawv luam ntawm tus menyuum qhov kev kawm tshwj xeeb thiab cov ntaub ntawv qhuab qhia nkaus xwb raws li kev tso cai los ntawm Tsev Neeg Cov Cai Kev Kawm Ntawv thiab Txoj Cai Ntiag Tug (FERPA).

TEJ YAM YUAV TSUM MUAJ RAU KEV HLOOV CHAW KAWM TIB LEEG LOS NTAWM COV NIAM TXIV NTAWM COV ME NYUAM YAUS HAUV TSEV KAWM NTAWV NTIAV UAS SIV TSOOM FWV LI NYIAJ

DAIM NTAWV QHIA DAV DAV

34 CFR §300.148

Tshooj B ntawm IDEA tsis sam fwm kom lub tsev ua hauj lwm tuav tswj los them nqi kawm ntawv, suav nrog rau kev kawm tshwj xeeb thiab cov kev pabcuam cuam ntsig txog, ntawm koj tus nyuam uas muaj kev xiam oob qhab hauv ib lub tsev kawm ntawv ntiav lossis chaw ua haujlwm yog tias lub tsev ua hauj lwm tuav tswj tau ua kom muaj ib qho kev kawm dawb tsim nyog los ntawm tsoom fwv (FAPE) rau koj tus me nyuam thiab koj xaiv tso koj tus me nyuam kawm hauv lub tsev kawm ntawv ntiav lossis chaw ua haujlwm. Txawm li cas los xij, lub tsev ua hauj lwm tuav tswj uas lub tsev kawm ntawv ntiav nyob hauv yuav tsum muaj koj tus nyuam nyob rau hauv cov pej xeeb uas nws cov kev xav tau raug qhia nyob rau hauv Tshooj B nqe lus hais txog nyuam yaus uas tau muab tso kawm los ntawm lawv niam lawv txiv nyob hauv ib lub tsev kawm ntawv ntiav raws li 34 CFR §§300.131 txog 300.144.

Kev them nyiaj rov qab rau kev hloov chaw tsev kawm ntawv ntiav

Yog koj tus me nyuam tau txais kev kawm tshwj xeeb thiab cov kev pab cuam muaj feem xyuam raws li cov cai ntawm lub tsev ua hauj lwm tuav tswj, thiab koj xaiv tso koj tus nyuam npe rau hauv lub tsev kawm ntawv ntiav ua ntej kawm, lub tsev kawm ntawv theem qis, lossis tsev kawm theem siab yam tsis tau kev tso cai lossis xa los ntawm lub tsev ua hauj lwm tuav tswj, tej zaum ib lub tsev hais plaub lossis tus kws txiav txim plaub ntug (ALJ) yuav kom lub tsev ua hauj lwm tuav tswj them rov qab rau koj tus nqi ntawm qhov kev tso npe yog tias lub tsev hais plaub los yog tus ALJ pom tias lub koom haum tsis tau tsim muaj qhov kev kawm ntawv pub dawb uas tsim nyog los ntawm tsoom fwv (FAPE) rau koj tus me nyuam raws caij nyooog ua ntej rau qhov kev tso npe nkag thiab qhov kev tso kawm ntiav yog tsim nyog. Tus ALJ lossis lub tsev hais plaub yuav tshawb nrhiav koj qhov kev tso kawm kom tsim nyog, txawm tias qhov kev tso kawm tsis tau raws li Lub Xeev cov qauv txheej txheem uas siv rau kev kawm los ntawm CDE thiab cov tsev ua hauj lwm tuav tswj.

Kev txwv ntawm kev them nyiaj rov qab

Tej zaum tus nqi ntawm kev them nyiaj rov qab tau piav hauv nqe lus saum toj no yuav raug txo lossis tsis pom zoo:

1. Yog tias: (a) Ntawm qhov kev kawm rau ib tug zus (IEP) lub rooj sib tham uas nyuam qhuav dhau los koj tau koom ua ntej koj qhov kev tshem tawm ntawm koj tus nyuam los ntawm lub tsev kawm ntawv tsoom fwv, koj tsis tau qhia rau Pab Neeg IEP tias koj tau tsis kam txais qhov kev tso kawm npaj los ntawm lub tsev ua hauj lwm tuav tswj los muab FAPE rau koj tus nyuam, suav nrog kev hais txog koj cov kev txhawj xeeb thiab koj lub hom phiaj tso npe rau koj tus nyuam hauv tsev kawm ntawv ntiav uas siv tsoom fwv li nyiaj; los yog (b) tsawg kawg 10 hnub ua hauj lwm (nrog rau cov hnub so uas muaj nyob rau hauv cov hnub ua hauj lwm) ua ntej koj qhov kev rho tawm koj tus nyuam los ntawm lub tsev kawm ntawv tsoom fwv, koj tsis tau sau ntawv ceeb toom rau lub tsev ua hauj lwm tuav tswj txog ntawm cov ntaub ntawv ntawd;
2. Yog tias, ua ntej koj qhov kev tshem tawm koj tus nyuam los ntawm lub tsev kawm ntawv tsoom fwv, lub tsev ua hauj lwm tuav tswj tau muab tsab ntawv ceeb toom ua ntej rau koj, ntawm nws txoj kev xav ntsuam xyuas koj tus nyuam (nrog rau cov lus hais txog lub hom phiaj ntawm qhov kev luj xyuas uas tsim nyog thiab muaj laj thawj), tab sis koj tsis cia tus nyuam rau lawv ua txoj kev ntsuam xyuas no; **lossis**
3. Thaum lub tsev hais plaub pom tias koj cov kev ua yog tsis tsim nyog.

Txawm li cas los, tus nqi ntawm kev thim nyiaj rov qab:

1. Yuav tsum tsis txhob raug txo lossis tsis pom zoo rau kev tsis muab tsab ntawv ceeb toom yog tias: (a) Lub tsev ua hauj lwm tuav tswj tau txwv txiav koj ntawm kev muab tsab ntawv ceeb toom; (b) Koj tsis tau txais ntawv ceeb toom txog koj lub luag haujlwm los muab cov ntawv tshaj tawm qhia saum toj no; los yog (c) Ua raws li cov lus xav tau saum toj no yuav ua rau raug mob rau koj tus nyuam; **thiab**
2. Nyob rau hauv kev txiav txim siab ntawm lub tsev hais plaub los yog tus ALJ, tej zaum yuav tsis txo lossis tsis pom zoo rau koj qhov kev tsis muab cov lus ceeb toom xav tau yog tias: (a) Koj nyeem tsis tau ntawv lossis sau tsis tau ntawv Askiv; los yog (b) Ua raws li cov lus sam fwm saum toj no yuav ua rau muaj kev puas tsuaj loj rau koj tus me nyuam. ■



Niam Txiv Cov Chaw Muab Kev Pab

IDEA 2004

Txoj cai lij choj hais txog Kev Kawm Ntawv rau Tus Neeg Uaj Kev Xiam Oob Qhab (IDEA, Individuals with Disabilities Education Act) yog txoj cai lij choj muab kev pab cuam rau cov me nyuam muaj kev tsis taus thob plaws hauv lub tebchaws. IDEA tswj xyuas kev muab kev pab cuam tshuam thaum ntxov, kev kawm tshwjxeeb thiab lwmyam kev pabcuam los ntawm lub xeev thiab tsoomfwv cov koomhaum rau ntau tshaj li 6.5 lab tus nyuam mos, cov nyuam thaum txawj nkag, cov nyuam yaus thiab cov hluas uas muaj teebmeem kev tsis taus hauv lub cev uas tsim nyog tau txais kev pab.

Cov nyuam mos thiab cov nyuam thaum txawj nkag uas muaj kev xiam oob qhab (thaum yug-2 xyoos) thiab lawv cov tsev neeg tau txais kev pabcuam tshuam thaum ntxov raws li IDEA Tshooj C. Cov nyuam yaus thiab cov hluas (hnuv nyooog 3-21 xyoos) tau txais kev kawm tshwjxeeb thiab lwmyam kev pabcuam ntsig txog raws li IDEA Tshooj B.

<http://idea.ed.gov/>

Colorado Lub Tsev Saib Xyuas Kev Kawm Ntawv

Lub Exceptional Student Leadership Unit Website yog ib qho chaw muab kev pab rau cov xibfwb qhia ntawv, cov thawj coj, thiab cov niam txiv ntawm cov nyuam kawm ntawv uas xav tau kev pab tshwj xeeb vim muaj kev xiam oob qhab, muaj peev xwm, cov peev xwm tshwj xeeb, lossis cov neeg kawm lus Askiv uas tseem muaj kev xav tau tshwj xeeb.

Colorado Department of Education, Exceptional Student Leadership Unit, Office of Dispute Resolution, 1560 Broadway, Suite 1175, Denver, CO 80202

www.cde.state.co.us/cdesped/index.asp

303-866-6694

The Special Education Law Web Page yog tsim los pab koj kom nkag tau mus rau cov ntaub ntawv ntawm Colorado Cov Kev Cai Lij Choj Kev Kawm Tshwj Xeeb. Ntawm lub website no koj tuaj yeem nrhiav tau thiab rub tau cov ntawv qhia txog txoj cai lij choj kev kawm tshwjxeeb thiab cov kev txiav txim siab rau Cov Txheej Txheem Lub Rooj Sib Hais Plaub thiab Kev Tsis Txaus Siab Hauv Tsoomfwv. Koj tuaj yeem rub tau ib daim qauv ntawm cov Kev Cai rau Kev Tswj Hwm ntawm Txoj Cai Exceptional Children's Educational Act—peb lub xeev cov cai tswj kev kawm tshwj xeeb.

<http://www.cde.state.co.us/spedlaw/index.htm>

Early Childhood Connections

Early Childhood Connections yog Colorado qhov kev pab cuam me nyuam mos thiab me nyuam me uas pib txoj haujlwm raws li Txoj Cai Tswjfwv Txog Cov Neeg Uas Muaj Kev Xiam Oob Qhab. Early Childhood Connections yog kev pib koom ua ke. Lub koom haum tsav coj rau kev khiav dej num yog Colorado Department of Human Services.

www.earlychildhoodconnections.org

1-877-777-4041

PEAK Parent Center

PEAK Parent Center yog Colorado lub Chaw Cob Qhia thiab Muab Lus Qhia Rau Niam Txiv (Parent Training and Information Center (PTI)) uas tau tsim los ntawm tsoom fwv. PEAK pab tsev neeg thiab lwm tus los ntawm cov kev pab xws li nws lub xov tooj hu ceev, chav kawm, rooj sib tham, lub website, thiab cov ntawv tshaj tawm. Ua ib tug PTI, PEAK muaj kev pabcuam rau leej niam leej txiv, tiam sis nws tsis tsa cov kev sib tham ntawm cov pab pawg. Peb ua hauj lwm nrog ib tsev neeg zuj zus thiab sib koom tes nrog rau tsoom fwv thiab txoj kev kawm, kho kom zoo, thiab cov zej zog kev kho mob kom hloov tau qhov kev ua tau rau cov nyuam.

www.peakparent.org

1-800-284-0251

Lub Chaw Pab Cuam Cai Lij Choj rau Cov Neeg muaj Kev Xiam Oob Qhab & Cov Neeg Laus

Lub Chaw Pab Cuam Cai Lij Choj yog ib lub chaw ua hauj lwm ywj pheej tsis yog lag luam pab rau pej xeem uas muaj kev paub tshwj xeeb hauv pej xeem cov cai thiab cov teeb meem kev ntxub ntxaug. Peb tiv thaiv tib neeg, pej xeem thiab cov cai kev cai lij choj ntawm cov neeg muaj kev puas hlwb thiab lub cev tsis taus, cov neeg muaj mob HIV, thiab cov neeg laus thob plaws hauv Colorado.

www.thelegalcenter.org

1-800-288-1376

Daim Ntawv Ceeb Toom Txheej Txheem Kev Tiv Thaiv
Hauv Cov Cai ntawm IDEA thiab ECEA
Colorado Lub Tsev Saib Xyuas Kev Kawm Ntawv
Tau kho dua tshiab 07/01/11